

جریبہ عدلیہ

آتش

۹ ذی الحجہ ۱۳۳۳ ۵ تشرین اول ۱۳۳۱

نومبر ۱۴۱

بازار ایرتسی

قائمہ سرکاری

نوبہات عدلیہ

در سعادت استیناف محکمہ سی اعضا سندن حلمی افدینک تقاعدہ سوقیلہ یرینہ بک اوغلی بدایت محکمہ سی اعضا سندن محمد شا کر وبک اوغلی بدایت محکمہ سی اعضا لغنہ دیار بکر استیناف محکمہ سی رئیس مصطفی خلوصی و دیار بکر استیناف محکمہ سی ریاستہ ارضروم استیناف محکمہ سی رئیس محمد عطا و ارضروم استیناف محکمہ سی ریاستہ قدس استیناف محکمہ سی رئیس سابق مصطفی نظمی و سوریه استیناف محکمہ سنک ایک دائرہ تفریقہ محکمہ مذکورہ حقوق دائرہ سی ریاستہ بیروت استیناف محکمہ سی حقوق دائرہ سی رئیس محمد مصباح و بیروت استیناف محکمہ سی حقوق دائرہ سی ریاستہ محکمہ مذکورہ جزا دائرہ سی رئیس محمد علی منیر و بیروت استیناف محکمہ سی جزا دائرہ سی ریاستہ بصرہ استیناف محکمہ سی رئیس محمد جمال و در سعادت بلاد ثلثہ و ملحقاتی صلح محکمہ لری عنوانک استانبول و ملحقاتی صلح محکمہ لری نامنہ تصحیحیہ مذکور صلح محاکمی نزدندہ مجدداً تشکیل اولنان حاکم معاون کلرینہ خداوندکار مرکز صلح حاکم معاونی علی صائب و قرہ مرسل بدایت محکمہ سی رئیس اسبقی محمد زہدی و خداوندکار مرکز صلح حاکم معاون لکنہ اطنہ صلح حاکم معاونی حسن فصیح و اطنہ مرکز صلح حاکم معاون لکنہ ارغنی بدایت محکمہ سی مدعی عمومی حسن فہمی و در سعادت بدایت محکمہ سی مدعی عمومی نزدندہ مجدداً تشکیل اولنان معاون لکنہ امور جزائیہ قلمی میز لرندن توفیق طارق بک و افندیلر نقل و تعین اولنشلردر .

۹ ذی الحجہ ۱۳۳۳ ۵ تشرین اول ۱۳۳۱

بوارادہ سنہ نک اجرا سنہ عدلیہ ناظری مأمور در

محمد رشاد

صدر اعظم
محمد سعید

عدلیہ ناظری
ابراہیم

اینه کول بدایت محکمه سی رئیس محمد نوری افندینک جهت ملکیه به تحویل مأموریته مبنی یرینه محکمه مذکوره مدعی عمومی سی کامل واینه کول بدایت محکمه سی مدعی عمومیلکنه قره مان بدایت محکمه سی اعضا سندن احمد صبری و انطالیه استیناف محکمه سی اعضا ملازملکنه مکتب حقوقدن مأذون محمد علی و حلب بدایت محکمه سی اعضا لفته عکا بدایت محکمه سی اعضا ملازم سابق محمد صاق و البستان بدایت محکمه سی مدعی عمومی سیدالدین عون افندینک عزلله یرینه فکه مدعی عمومی درویش و فکه بدایت محکمه سی مدعی عمومی لکنه طلبه مبنی قلب بدایت محکمه سی مدعی عمومی مصطفی نسیب و قره مان لوا بدایت محکمه سی اعضا سندن نجاتی افندینک وقوع استعفا سنده مبنی یرینه بیکار حصار حاکم معاون احمد حدی و محکمه مذکوره نک دیگر اعضا لفته محکمه مذکوره اعضا ملازملندن و مکتب حقوق مأذونلندن مصطفی نوری و اعضا ملازملکنه محکمه مذکوره باش کاتبی مکتب حقوقدن مأذون یوسف ضیا و قسطنطونی مرکز بدایت محکمه سی اعضا لفته وان مرکز بدایت محکمه سی اعضا سندن سلیمان زهدی و بغداد مرکز بدایت اعضا ملازملکنه مکتب حقوق مأذونلندن حسین عون و اکین بدایت محکمه سی مستطقلکنه محمودی مستطقی باقی و قویله حصار بدایت محکمه سی مستطقی سلیمان افندینک اجرای تقاعدینه مبنی یرینه شتاق مستطقی علی رضا و سنغوری مستطقی جرجیس خلقی افندینک عزلله یرینه مرادیه مستطقی عمر ماجد افندیلرک نقل و تعیین و جانبیک استیناف محکمه سی اعضا ملازمی حسین افندی ایله انقره بدایت محکمه سی اعضا سندن بکر فخری و طرابلس شام اعضا سندن عبدالحمید افندی ایله حلب بدایت محکمه سی اعضا سندن نائل افندینک بجایشلری اجرا قلمبشدر . بو اراده سنیه نک اجراسنه عدلیه ناظری مأموردر . ۱۴ ذی الحجه ۳۳۳ ۱۰ تشرین اول ۳۳۱

عدلیه ناظری
ابراهیم
صدراعظم
محمد سعید

محکمہ تمیز مقرراتی

محکمہ تمیز هیئت عمومی مقرراتی

محکمہ تمیز هیئت عمومی سنده صادر اولاده ۱۴ تشرین اول ۳۳۱ تاریخ ۶۰۴ نومرولی اهدوم سوربدر :
« وکالت ایله کفالت ماهیه و حکماً آیری آیری عقوددن بولندینی جهتله وکالتک کفالتله حملی غیر صحیحدر »

در سعادته مارپو ججیلرده کذابچی خانی قارشوسنده قرق اوچ نومرولی مغازه سنده مقیم آورام قصادی افندی ایله آصمه آلتنده اوتوز اوچ نومرولی مغازه ده ساکن تجارتدن حافظ حسین افندی پشنده متکون

دعوایه دائر ایکنجی تجارت محکمه سندن ۸ تموز ۳۳۰ تاریخی و ایکوز قرق سکر عدلیه ویریلوب مزبور آورام قصادی افندی طرفندن تمیزاً تدقیقی استدعا قلنان اعلامک قرار منقوضده ثبات و اصراری متضمن اولدینی هیئت عمومی جه اکثریتله قرار کیر اولدقدن صکره اعلام مذکور طرفینک اعتراض و جواب لایحه لرله برابر بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مومی الیه حافظ حسین افندی محکمه مذکوره به باعرضحال مراجعتله مزبور آورام قصادی افندی ذمتنده بر قطعه سند موجبجه مال بدلی اوله رق آلاجنی اون یکر می آلتی لیرا یتیش غرو شک مر قومدن تحصیلنه و مبلغ مذکوری دیپوزیتو ایتدیکی صورتده افلاسنه قرار ویرلسنی وائشای محاکمه مدیون اصیل اولدینی تحقق ایدن مدعی علیک پدری داوید قصادی افندی علیهنده دخی دیگر براستدا اعطا ایدرک مبلغ مذکورک هرا یکیسنده مع اجری موقت تحصیلنی طلب و دعوی و بر قطعه سند ابراز واعطا و مدعی علیه آورام قصادی افندی دخی کرچه مبرز سندزیزنده موضوع امضا کندوسنک ایسده پدرینه وکالة وضع ایلش اولدینی مدافعة بیان وادعا و مدعی ده داوید قضاوی افندی علیهنده کی افلاس طلبندن صرف نظر ایله دیککی در میان ایللری اوزرینه اول امرده مبرز سندک بالتدقیق بالاسنده ۱۷ تشرین اول ۳۳۸ تاریخ و بیک طقوز یوز اون اوچ سنه سی کانون نائینسک نهایتده تأدیه ایدلک اوزره قبول ایدلمشدر عبارده سی مندرج اولسنه و امضا وکالة وضع ایدلمش اولسه بیله بالوکاله اقرار دین اولنسنه و مندرجات سندک اهالندن ایسه اعمالی اولی و خصوصیه مذکور عبارده نک دینک التزام و تقبل و کفالتله حملی صالح بولنسنه مبنی کفیل اولمق اوزره مدعی علیه آورام قضاوی افندی به خصومتک توجهنه و شخص ثالث حقنده کی دعوانک ردینه قرار ویرلدکن صکره اجرا قلنان محاکمه و تدقیقات نتیجه سنده مدعی به یکر می آلتی لیرا یتیش غرو شک مدعی علیهنه بالتحصیل مدعی به اعطاسنه دائر صادر اولان اعلامک عندالتمیز بعض اسباب قانونیه به بناء نقض و اعاده اولنسی اوزرینه بتکرار جریان ایدن محاکمه و تدقیقات نتیجه سنده قرار سابقده اصرار اولنسنه حکم و قرار ویرلدیکی آکلا شلمشدر .

مستدعی تمیز طرفندن اعطا قلنان لایحه تمیزیه ده مدعینک ادعایی اساساً مبلغ مدعا بهک کندیسندن اصالة تحصیل اولدینی حالده محکمه جه بلا طلب کفالة محکومیتی جهتله کیدلسی یولسز و مخالف اصول و قانون اولدیندن بحثله اعلامک نقضی و لایحه جوابیه ده ده غیر وارد اولان اعتراض مذکورک ردیه موافق اصول و قانون بولنان اعلام مین بهک تصدیقی طلب واستدعا ایدلمشدر .

ایجابی مذاکره اولندقدن کیفیت هر نه قدر بوجه بالا بالرؤیه تحت حکمه آلتیش ایسده ابراز ایدیلان سنده مدعی علیه طرفندن پدرینه وکالة امضا ایدلکی بیان ایدلمش و سنده کی امضا دخی وکالة موضوع بولندینی آکلا شلمش اولوب وکالت ایله کفالت ماهیه و حکماً آیری آیری عقوددن بولندینی جهتله وکالتک کفالتله حملی غیر صحیح اولدینی کی آخر کسنه علیهنه بلا سبب اقرار دین دخی باطل بولنش اولدینسه و بویه

شرایه وکیل اولان کسسه نك اجرا ایتدیکی عقدی موکله اضافه ایله برابر ثمندن طولانی ترتب ایدن دینی اقرار ایتسی صحیح اولوب انجی بومثللو بردعوانك موکل علیه اقامه اولنه بیله چکی بدیهی ایدوکنه وحسب الوکاله اقرار بالکتابه ده بولنان کیمسه ایله مقرله اولان داین ارسنده برکونا حق خصومت بولنادیغه مبنی مدعینك مدعی علیه علیه اقامه ایلدیکی مذکور دعوانك ردی لازم کلور ایکن محکمه جه مسائل حقوقیه وقانونیه غیر مطابق برطاقم مطالعات بیانیه مبرز سندك احتوا ایتدیکی عقدك غیری بولنان کفالتله حمل ایله قرار ویرلسنك مغایرت قانونیه سی یولنده مقدما تمیز حقوق دائره سنجه اتخاذ اولنان قرار نتیجه اعتباریه موافق قانون ولایم الاتباع ایکن محکمه مذکور جه قرار سابقده اصرار اولنسی یولسز ومغایر اصول وقانون اولدیغندن اصول محاکمه حقوقیه قانوننك اکیوز قرق برنجی ماده سی موجب سنجه اعلام مذکورك کالاول تقضیه قانون مزبورك اکیوز قرق طقوزنجی ماده سی موجب سنجه نقض واقع دائره سنده کیفیتک بالرؤیه اعلامه ربطی ضمننده محکمه مذکوریه اعاده سنده وزیرده مفردات ومعطیه محرر مصارف تمیزیه نك ده ایلروده حقسز حقیقه جق طرفه عائد اولسنه ۱۸ ایلول ۳۳۰ تاریخنده هیئت عمومیه جه اکثریت ارا ایله قرار ویرلدی .

محکمه تمیز حقوق دائره سنجی

محکمه تمیز حقوق دائره سنجی صادر اولوب ۱۹ اگستوس ۳۳۱ تاریخنده قراره ربط اولنان اعلام صوریه .

« مدعی ایله مدعی علیه هریری تواتره استناد ایدرك كندی اعلالینه موافق صورته اخباراتده بولنان برر جماعتی اقامه ایله دکری تقدیرده حاکم جماعتیندن هریری نك جم غفر درجه سنده اولمادیغنی کورورسه بو جماعتلرک شهادتلی پینه عادیه حکمنده اولور . »

بشکطاشده یکی محله ده پایاز سوقاغنده یکریمی بش نومرولی خانه ده مقیمه دخان تجارتدن توقادلی عثمان خیری افندی کریمه سی خاتمه الزهرا خانم ایله بویاچی کوبنده کی ساحلخانه سنده ساکنه حجاز والی اسبق مرحوم حتی پاشا کریمه سی امیره مهر جهان خانم پینده متکون دعوایه دتر درسعادت استیناف حقوق محکمه سندن ۱۳ مایس ۳۳۱ تاریخ والی آلتی عددی ایله ویریلوب مزبوره خاتمه الزهرا خانم طرفندن تمیزاً تدقیق استدعا قلنان اعلام حکمنك هیئت عمومیه جه تدقیقی موجب اصراری حاوی اولمایوب اسباب زائده بی محتوی اولدینی بالتدقیق اکلایشله رق بوباده کی اوراق دعوانك دائره به تودیمه متفقاً قرار ویرلمکله اعلام مذکور اوراق متفرع سیله برابر دائره جه بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه کوره : مزبوره خاتمه الزهرا خانمک بک اوغلی بدایت محکمه سی ایکنجی حقوق دائره سنده باعریض حال مراجعتله لابوین همشیره سی متوفاه نسیمه خانمک عهده تملکسنده اولان معلوم الحدود والقطعات املاک مجموعنی مومی الیها امیره مهر جهان خانم غصباً وفضولاً نامه کچیره رک کندوسندن حصه

مصبیه شرعیه سی تسلیمدن وبدلات اجارهدن حصه سنده اصابت ایدن مقداری تأدیه دن امتناع ایلدیکندن بختله املاک و عقارات مذکورده کی حصه مغصوبه سنك وجه لایقی اوزره تسلیمیه اولباده کی قیودك نامنه تصحیحی وبدلات اجارهدن حصه سنك مع فائض تحصیلنی طلب ودعوی وبرقطعه وراثت حجتی ابراز واعطا ومدعی علیه دخی متوفاه مزبوره نسیمه خانم والده سی اولوب املاک مدعا بهایی حال حیانتده کندیسنه هبه وتسلیم ایلدیکنی وهبه مذکورده نك ده حجت شرعیه مستند اولدیغنی مدافعه درمیان وبرقطعه حجت شرعیه ابراز وارائه ایللری واکمال محاکمه ضمننده تعیین قلنان کونده مدعی علیه مومی الیهانك دعوت واقعیه اجابت ایتامسی اوزرینه غیاباً اجرا قلنان محاکمه وتدقیقات نتیجه سنده دفتر خاقانی دواثرندن ماعدا محالرده املاک صرفه نك معاملات فراغیه سنك عدم جوازی اراده سنییه مستند بولنان شورای دولت قراری مقتضیاتدن بولنسنه مبنی مدعی علیهانك املاک منازع فیهای با حجت شرعیه متوفادن آتاه ایلدیکی یولنده کی اعتراضك ردیه عندالاعتراض دزمیان ایده چکی دیگر اعتراضاتی تدقیق واستماع اولنق اوزره املاک وعقارات موروثه دن مدعی نك حصه سنده اصابت ایدن مقدارك مدعیه نامنه قیدینك تصحیحی لزومه وتأویل عقد ایله آلان مالدن ضمان لازم کلیه چکی کی منافع غصبك دخی مضمون بولنماسنه مبنی مدعی نك ده بدل ایجار طلبنك ردینه دائر صادر اولان اعلامك عندالاستیناف بالتدقیق دعوای واقعیه ترکیه متدائر اولوب حل وفصلی محکمه شرعیه عائد اولدیغندن بختله فسخته ومدعی نك محکمه عاده سنده اقامه دعوا ده مختاریته دائر صدور ایدن اعلامك عندالتمیز دعوانك محکمه حقوقك وظیفه سی داخلنده اولدیغندن واسباب سائرده دن ناشی نقض واعاده اولنسی اوزرینه مدعی عمومی حضوریه وظیفه مسئله سی حل اولندقدن صکره مستأنف علیهانك قوعبولان دعوتیه اجابت ایتامسی حسیله غیاباً بتکرار اجرا قلنان محاکمه وتدقیقات استینافیه نتیجه سنده اوچوزاون سکر تاریخنده اراده سنییه اقتران ایدن شورای دولت قرارینك هبه یه شمولی اولمادیغنی حالده بدایت محکمه سنجه تشمیل ایدلمسی یولسز اولدیغندن بوجهتک اصلاحنه ومتوفاه مومی الیهانك عقارات مذکوریه حال سخته کندیسنه هبه ایلدیکنی مستأنف نك علی الاصول اثبات ایتسی لزومه دائر اتخاذ اولنان قرار اوزرینه مستأنف طرفندن اقامه اولنان اوتوزنفر ذکور وسکر نفرانندن عبارت تواتر شاهدلرندن یکریمی ایکی ذکور ایله سکرانات دعوایه موافق صورته ادای شهادت ایدوب شوصورتله املاک وعقارات منازع فیهایك متوفاه نسیمه خانم طرفندن مستأنف امیره مهر جهان خانم حال سخته هبه ایلدیکی ثابت اولمش اومغله عقارات مذکورده دن مستأنف علیهانك حصه مصبیه سنك تصحیح قیدی لزومه دائر ویریلان حکم ابتدائی مغایر قانون اولدیغندن فسخیله مستأنف علیهانك مستأنفیه قارشو منع معارضه سنده دائر ویریلان قرار تمیزاً تصدیق قلنمش ایدسه مومی الیه خاتمه الزهرا خانم طرفندن اعطا قلنان تصحیح قرار عریضالی اوزرینه دخی عریضال مذکورك قبولندن صکره اجرا قلنان تدقیقات تمیزیه نتیجه سنده هرا یکی طرفك اقامه ایده جکلرینی بیان وادعا ایتدکاری تواتر شاهدلرینك استماع ایدلمسی حقنده بر قرار ویرلمك لازم کلیر ایکن بوجهت نظر دفته آلمیه رق بالکزر امیره مهر جهان خانمک اقامه ایلدیکی شهودك استماعیه

حکم اولنسنک مغایرت قانونیه سند نشانی نقض واعاده اولنسی اوزرینه محکمه استینافیه جه تکرار اجرا قلنان محاکمه و تدقیقات نتیجه سنده فی الحقیقه اثباتاً و نفیاً اقامه سنده جواز شرعی و قانونی اولان تواتر بینه لری آره سنده راجحیت و مرجوحیت متصور اولماسنه کوره هرا یکی طرف دخی استماعی طالب ایکن یالکزر بر طرفک تواتر بینه سنک استماعنه قرار ویرلسی ترجیح بلا مرجح قبلدن اولدینی جهته نقض واقع وارد بولنش اولغله قرار سابقک بوصورتله اصلاحنه و شوقدرکه بردفعه استماع ایله علم یقینه بادی اولان بینه نک اعاده سنده محل اولمادینی کبی خلافه بینه استماعنه دخی جواز شرعی و قانونی قالمش بولنسنه مبنی قرار سابق وجهله خاتمه الزهرا خانمک امیره مهر جهان خانمه اولان معارضه سنک منعه حکم و قرار ویرلدیکی اکلا شلمشدر .

مستدعیه تمیز خاتمه الزهرا خانم طرفندن ویریلان لایحه ده محکمه تمیزک نقض اخیرینه محکمه استینافیه جه اتباع اولدینی حلاله اساس حقننده محاکمه اجرا اقامه ایده چکی تواتر شاهد لری نک استماعی لازم کلیر ایکن بوبابده برکونه محاکمه اجرا و شهود استماع ایدلکسزین مقدما موسی الیها امیره مهر جهان خانم طرفندن اقامه اولنوب حد تواتره بالغ اولمیان شهود کاذبه نک اخباراته بناء بر منوال محرر منع معارضه سنده قرار ویرلسی مغایر قانون اوله یغندن و اعتراضات سائر دن بختله اعلامک نقضی و لایحه جوابیده دخی غیروارد اولان اعتراضات مذکور نک ردیه موافق اصول و قانون اولان اعلام مذکورک تصدیق طلب واستدعا اولنمشدر .

ایجابی لدی المذاکره اعلام مذکور مألندن مستبان اولدینی اوزره محکمه استینافیه جه قرار سابقک تمیز قراری وجهله اصلاحنه قرار ویرلد کدنصکره بردفعه استماع ایله علم یقینه بادی اولان بینه نک اعاده سنده محل اولمادینی کبی خلافه بینه استماعنه دخی جواز شرعی و قانونی بولنمش اولنسنه مبنی خاتمه الزهرا خانمک مهر جهان خانمه اولان معارضه سنک منعه قرار ویرلش ایسه ده مسئله بینه عادییه متعلق اولمایوب تواتر شهودی استماعنه عائد اولدینه و کتب فقهیه ده مسطور اولدینی اوزره مدعی ایله مدعی علیهن هربری تواتره اسناد ایده رک ایکی طرف دخی کندی ادعاسنه موافق صورتده اخباراتده بولنان بر رجاعتی اقامه ایدلکری تقدیرده حاکم بوبابده تدقیق نظر ایله جماعتندن هربری جم غفیر دینیه جک درجه ده اولمادینی کور رایسه اشبو جماعتنک شهادت لری بینه عادییه حکمنده اوله جفندن بونلرک لفظ شهادتی استعمال ایتلری و تزکیه لری شرطدر اگر حاکم بوا یکی جماعتدن برینک خبری تواتر درجه سنده کور رایسه جماعت اخیری ردایلر چونکه انک اخباری بینه عادییه درجه سنده اولوب متواترک خلافتده ایسه بینه عادییه استماع اولنماز اگر حاکم ایکی جماعتک اخباراتنک تواتر درجه سنده اولدینی و امر مشکل بولن دینی کور رایسه جماعتنک اخباری کمال صدق ایله تأمل ایلر و بوا یکی جماعتدن هانکی سنک خبری شروط تواتره موافق بولور و قلبی آنک حقننده مطمئن اولور ایسه موجبنه حکم ایلر بناء علیه صحت ادعاسنی اثبات ایچون مهر جهان خانم طرفندن تواتر شهودی اقامه سنی متعاقب خاتمه الزهرا خانم طرفندن نسبه خانمک املاک مدعا بهایی حال مرضنده هبه ایتش اولدینی اثبات ضمننده دیکر تواتر شهودی اقامه ایده چکنی بیان ایلدیکی حالده بوجهتلرک نظره آلمان سندن طولای قرار

سابق نقض ایدلش و محکمه استینافیه جه اشبو قراره دخی اتباع اولنش و شوالده تواتر بینه سنده مستند بر حکم قالمش اولنسنه و قبل الحکم دفع مقبول اولدینی کبی بعد الحکم دخی قرین قبول بولنسنه نظراً محکمه استینافیه جه دیکر طرفک تواتر شاهد لری استماع قلنمقسزین قرار ویرلسی یولسز و مغایر قانون اولدینندن اصول محاکمه حقوقیه قانوننک ایدکوز اوتوزایکنجی ماده سی موجبنه اعلام مذکورک تقضیه ایدکوز قرق دردنجی ماده سی حکمنه توفیقاً کیفیتک تکرار بالرؤیه اعلامه ربطی ضمننده محکمه مذکورده اعاده سنده و مصارف تمیزیه نک ایلروده حقسز چیه جق طرفه عائد اولنسنه ۹ اغستوس ۱۳۳۱ تاریخنده اکثریت آرا ایله قرار ویرلدی .

محکمه تمیز حقوقیه دائره سنده صادر اولده ۱۷ نسیبه اول ۳۳۱ تاریخلی ۶۱۲ نومرولی اعدوم صورتندر :

« حق مرور دعواسنده مدعی علیک محل مدعا به تحت تصرفنده اولدیننه دائر اقامه

ایله دیک بینه ترجیح اولنه ماز »

جبل لبنان سنجانی داخلنده متن قضاسنک رومیه قریه سنده مقیمان اصحاب املا کدن نادر زیتون ارمله سی مریم ایله اصحاب املا کدن عبده شیعا بیننده متکون دعوا به دائر لواء مذکور استیناف حقوق محکمه سندن ۲۳ حزیران ۳۳۰ تاریخلی واون سکر عدلیه ویریلوب مزبورده مریم طرفندن تمیزاً تدقیق استدعا قلنان اعلام باش مدعی عمومیلک مأموریت علیه سنک مطالعه نامه سی آلدنقدن صکره طرفینک اعتراض و خواب لایحه لریله برابر بالمطالعہ تدقیقات تمیزیه اجراسنه ابتدار قیلندی .

اعلام مذکور مندرجاتنه نظراً مزبورده مریم متن قضاسی بدایت محکمه سنده باعر فحال مراجعتله طریق عمومیدن آیریلوب کندی خانه سنده کیدن یولده مرقوم عبده طرفندن بنا احداث ایدلش اولدینندن انشا آتک توقیفیه رفع وازاله سنی طلب و دعوی و مدعی علیه دخی حق مرور ادعا قلنان مدعی به محل کندوسنک مستقلاً ملکی اولدینی درمیان ایللری اوزرینه مدعی عمومی حضوریه اجرا قلنان محاکمه و کشف و تدقیقات نتیجه سنده مدعی علیک ادعاسی کشف تقریری و اقامه ایلدیکی تواتر بینه سیله ثابت اولدینندن مدعی نک دعوا ی واقع سنک ردینه دائر صادر اولان اعلامک عندالاستیناف تصدیقه حکم و قرار ویرلدیکی اکلا شلمشدر .

تمیزه مریم طرفندن اعطا قلنان لایحه تمیزیه ده دعوا ی واقع حق مروری طلبدن عبارت اولوب ملکیته عائد اولماسنه و ادعاسنی ایسه شهود متواتره ایله اثبات ایلسنه بناء محکمه جه لهنه حل مسئله ایدلک لازم کلور ایکن مدعی علیک استقلال بینه سنک ترجیحیه دعواسنک ردینه قرار ویرلسی یولسز و مغایر اصول و قانون اولدینندن بختله اعلامک نقضی و لایحه جوابیده ده غیر وارد اولان اعتراضات مسروده نک ردیه موافق اصول و قانون بولنان اعلام مذکورک تصدیق طلب واستدعا ایدلش و سالف الذکر مطالعه نامه مفادی ایسه لایحه تمیزیه ده سرد اولنان اعتراضاتک غیر وارد کورولدیکنی بیاندن عبارت بولنمشدر .

ایجابی مذاکره اولدوقده خصوص مدعی هر نه قدر بوجه بالا بالرؤیه تحت حکمه النمش ایسه ده مدعی علیه مدعی به محله بالاستقلال تصرف ایتمکده اولدیغنه دائر اقامه ایلدیکی بینه سنک ترجیحنه محل اولیوب چونکه اساساً مدعی طرفندن اشبو تصرف خصوصی اقرار و تصدیق ایدلمش و مدعیه نك ادعای ایسه حق مرور دن عبارت بولنش اولسنه کوره محکمه جه اشبو ادعاسنک علی الاصول کندوسنه اثبات ایتدیرلمسی مقتض بولندیغنی حالد بوجه تامل ایدلمکسزین بر منوال محرر قرار ویرلمسی یولسز و مخالف اصول و قانون اولدیغندن اصول محاکمه حقوقیه قانوننک ایکوز اوتوز ایکنجی ماده سی موجبجه اعلام مذکورک تقضیه قانون مزبورک ایکوز قرق در دنجی ماده سنک فقره اولاسی حکمنه توفیقاً کیفیتک اوصورتله بالرؤیه اعلامه ربطی ضمننده محکمه مذکورده اعاده سنه وزیرده مفردات و معطیس حرر مصارف تمیزیه نك ده ایلروده حقسز چیه حق طرفه عائد اولسنه ۱۶ مایس ۳۳۱ تاریخنده متفقاً قرار ویرلدی .

محکمہ تمیز استدعا دائره سرحدی موزانی

محکمہ تمیز استدعا دائره سرحدی صادر اولوب ۱۵ اگستوس ۳۳۱ تاریخنده قراره ربط اولنانه اعلام صوریندر:

« تصحیح سن و قید واسم دعواسنک رؤیتی حقوق محکمه سنه و نفوسه متعلق اولارق تگون ایدن سائر منازعاتک حلی جزا محکمه سنه عائددر . »

لاذقیه سنجانی صالح محکمه سنندن تنظیم واعطا و محلی مدعی عمومی معاونلکی جانبندن مدت قانونیه سی طرفنده تمیزاً تدقیق استدعا اولنان ۲۲ نیسان ۱۳۳۱ تاریخ والی درت نومرولی اعلام و اوراق متفرعه سی باش مدعی عمومیک مأموریت علیه سنک تبلیغنامه سیله برلشدریلرک محکمه تمیز استدعا دائره سننده تدقیق اولندی .

اعلام مذکورک خلاصه مالی عائشه ایله دیگریدی شخصک و فیات وقوعاتی مدت نظامیه ظرفنده خبر ویرمدیکی ادعا قلنان مختار عبده اغا مصرینک مرتبه ثبوتده کوریلان فعلندن ناشی دیگرلرینک و فیاتی خبر ویرمامسی حقنده سبب شدت عدلیه نفوس قانوننک اوتوز برنجی ماده سی حکمنه توفیقاً سکسان بش غروش جزای نقدی ایله محکومیتته و مذکور جزای نقدی بی ویرمدیکی تقدیرده درت کون حبسنه قرار ویرلدیکنی متضمندر .

تمیز استدعا نامه سننده نفوس قانوننک اوتوز برنجی ماده قانونیه سنک محتوی بولندیغنی جزادن فضله اوله رق محکمه جه بوجه محرر اتخاذ قرار اولسنی یولسز و مستلزم نقض احوال دن ایدوکنندن بحثله اعلام مذکورک نقضی استدعا قلندیغنی کی تبلیغنامه ده دخی نفوس معاملاتنه متعلق دعاوینک محلی بدایت حقوق محکمه لرنده رؤیت اولنه جنی نفوس قانوننک صراحت قطعیه سی جمله سنندن بولنش اولسنه نظراً محکمه مذکورده جه

خلاف وظیفه رؤیت دعوی اولنسی یولسز و مخالف قانون اولوب تمیز استدعا نامه سی مؤداسی بو طریقله وارد و بجا اولدیغنی بیانیله حکم مذکورک بوسیله قضی طلب اولمشدر .

ایجاب کیفیت لای المزا کره نفوس قانوننک اون برنجی ماده سی ناطق اولدیغنی اوزره تصحیح سن و قید واسم معاملاتنه عائد دعاوینک رؤیتی بدایت محاکمی حقوق دائره سنه عائد اولدیغنی کی قانون مذکورک سکزنجی و اون آلتنجی ماده لری احکامندن استنباط و استدلال اولدیغنه کوره نفوسه متعلق تگون ایدن سائر منازعاتک دخی بدایت محاکمی جزا دائره سننده رؤیتی مقتضی اولسنه نظراً محلی محکمه صالحیه سنجیه دعوی حاضر ذک وظیفه نقطه سنندن ردی لازم ایکن شو صورتیه توفیق معامله اولنایوب ده بوجه محرر قرار اعطاسی یولسز و معایر اصول و قانون اولغله اعلام میزبهک بوسیدن تقضیه احکام قانونیه دائره سننده ایضی معامله اولنقی اوزره اوراقتک محله اعاده سنه ۱۵ اگستوس ۱۳۳۱ تاریخنده متفقاً قرار ویرلدی .

محکمہ تمیز استدعا دائره سرحدی صادر اولوب ۷ ایلول ۳۳۱ تاریخنده قراره ربط اولنانه اعلام صوریندر:

« برایشک تدقیقات استنطاقیه سنی اجرا ایدن مستنطق اوایش حقنده قرارنامه

تنظیم واعطا ایلش ایسه مذکور ایشک محاکمه سننده اعضا صفتیه بولنه من »

توقاد سنجانی بدایت محکمه سی جزا دائره سنندن استینافاً تنظیم واعطا قلنان ۱۸ مارت سنه ۳۳۰ تاریخ دیگرمی طقوز نومرولی اعلامک تمیزاً تدقیقی مستدعی امام اوغلی یعقوب و صراف اوغلی بدروس جانبندن معطی ایکی قطعه استدعا نامه ایله اوراق متفرعه سی باش مدعی عمومیک مأموریت علیه سنندن تبلیغنامه محکمه تمیز استدعا دائره سنه تودیع اولغله لای التدقیق مستدعیلردن یعقوبک شرائطه تمیزیه بی ایفا و اکیال ایتدیکی اکلشلمش اولسنندن ناشی مرقومه عائد استدعا نامه نك ردیه دیگر مستدعی بدروسه عائد اولوب مدت وشروط قانونیه سنه موافق اولان استدعا نامه نك بالقبول تدقیقات تمیزیه اجراسنه ایتدار ایدلدی .

اعلام مذکورک خلاصه مالی ساخته کفالنامه تنظیم ایتدیرمک ماده سنندن طولای مظنون علیهم اولان اشخاصدن یعقوبک مرتبه ثبوتده کوریلان حرکت مسروده سنندن ناشی قانون جزانک یوزاللی بشنجی ماده سی حکمنه توفیقاً واحوال سائر سنه نظراً بریجق و بدروسک دخی برسنه مدتلرله حبسلرینه دائر بدایه لاحق اولان حکمک عندالاستیناف فسخی حقنده مدعی عمومیک مأموریتندن درمیان ایدیلن اعتراض غیر وارد اولدیغندن بحثله موافق اصول و قانون اولان حکم ابتدائی مذکورک تصدیقه قرار ویرلدیکنی متضمندر . بدروسک تمیز لایحه سننده مذکور کفالت سنندی ساخته اوله رق تنظیم و استعمال ایتدیکی حقنده برکونا دلائل و امارات قانونیه موجود اولدیغنی حالد محکمه استینافیه جه بوراسی نظر دقته آلتفسزین بوجه محرر اتخاذ قرار اولنسی مخالف اصول و قانون ایدوکنندن بحثله اعلام استینافینک نقضی استدعا قلندیغنی کی تبلیغنامه ده دخی کفیل محمد یعقوب افدینک متوفی حاجی محمدک مخدومی و وارثی اولدیغنی و متوفی حاجی محمدک عهده سننده

املاك و اراضی موجود و مقید اولوب مجموعتك آلتی وارثی بینده تقسیمی اجرا قلمدینی وقوعبولان استعمال اوزرینه النان جوابده بیلدیرلش اولسنه کوره کفالت سندنده کوستریلان املاك اوزرنده مرقوم یعقوبه نه مقدار ونه نسبتده حصه ارثیه اصابت ایتدیکنك وتعیین ایده جك نتیجه یه کوره کفالت سندینك خلاف صحیح تنظیمی کیفیتده مرقومانك برقصه مخصوصلری اولدیغنك تینی مقتضی اولدینی کبی ساخته کارلنك نبوتی حالده دخی یعقوبك بوبابده کی مدخل و مشارکتی مرقوم بدروسك تمیزدعواسنی تسهیل ایتمکدن عبارت اولسنه و مذکور کفالت سندینك ابراز واستعمالنده برکونا علاقہسی واشتراکی بولنامسنه نظراً مرقومك فاعل اصلی عد و اعتبار اولنه جغتك ادله ثبوتیهسی قرار محلنده ذکر وتوضیحی اقتضا ایتدیکی حالده عندالاستیناف دقایق مذکوره نظر دفته آلتفسزین بدایت اعلامنك تصدیقی جهته کیدلمسی مغایر قانون ولایحه تمیزیه مندرجاتی بوااعتبارله وارد وسبب نقضه مستند اولدینی بیانیه اعلام میز بهك اسباب محرره ببناء نقضی طلب اولمشدر .

ایجاب کیفیت لدی المذاکره اخیراً موقع تطبیقه وضع اولنان ولایت تشکیلات عدلیه سنجه اجرا اولنه جق تعدیلات حقنده کی قانونك بشنچی ماده سنده برایشك تدقیقات استطاقیه سنی اجرا ایدن مستتطقك قرارنامه تنظیم واعطا ایلدیکی صورتده محکمه جه سبق ایده جك محاکمه سنده اعضا صفیله بولنه میه جنی مصرح بولسنه نظراً دعوی حاضردهن طولایی اجرا تحقیقات و قرارنامه تنظیم ایش اولان زیله مستتطقنك هیئت حاکمه میاننده بولندیرلمسی مستلزم فسخ احوالدهن ابکن محکمه استینافیه جه حقوق عمومیه مأموری جانبندن بوجهته متعلق اوله رق درمیان ایدیلن اعتراضك ردیله حکم ابتدائیک تصدیق اولنسی یولسز ومغایر اصول وقانون اولمغه اصول محاکمات جزائییه قانوننك اوچیوز اون دردنجی واوچیوز اون طقوزنجی ماده لری منظوقجه علام میز بهك مرقوم بدروسه عائد فقره سنك تقضیله احکام قانونیه دائره سنده ایفای معامله اولنق اوزره اورقنك محله و تمیز جزای تقدیمی اوله رق بدروس طرفندن محلی مال صندوقه تودیع ایدلمش اولان بش لیرانك اصول مذکورك اوچیوز قرق اوچنجی ماده سنه توفیقاً کندوسنه اعاده سنه و یوز غروش اعلام خرجنك اسباب مشروحه ببناء استدعاه سنك ردینه قرار ویریلن یعقوبدن وایکیوز غروش نقض خرجنك بالاخره حقسنز چیقان طرفدن استیفاسنه ۷ ایلول سنه ۳۳۱ تاریخنده متفقاً قرار ویرلدی .

حکمه تمیز استدعا دائره سنده صادر اولوب ۸ ایلول ۳۳۱ تاریخنده قراری ربط اولناه اعلام صورته

«تشکیل طرفین ایدلمکسزین بلاحا که اعانای قرار اولنه من»

ماددین سنجانگی بدایت محکمه سی جزا دائره سنندن تنظیم واعطا قلنان ۱ حزیران ۳۳۱ تاریخ و بشیور آلتش سکز نومرولی قرارنامه نك تمیزاً تدقیق طلبی حاوی محکمه مذکوره مدعی عمومیلکی جانبندن

معطی استدعانا مه ایله اوراق متفرعه سی باش مدعی عمومیلک مأموریت علیه سنندن با تبلیغنامه محکمه تمیز استدعا دائره سنه تودیع اولمش ولدی التدقیق مذکور استدعانا مه نك مدت قانونیه سی ظرفنده اعطا قلمدینی آکلاشلش اولدیغندن بالقبول تدقیقات تمیزیه اجرا سنه ابتدار ایدلدی .

مذکور قرارنامه نك خلاصه مآلی عبدالمسیحك محکوم اولدینی ایکی بشلك جزای تقدیمی تأدیه دن امتناع ایلسندن ناشی مذکور جزای تقدینك حبسه تحویلی حقنده وقوعبولان مراجعت اوزرینه سبق ایدن تدقیقات نتیجه سنده یالکز ایکی بیاض بشلك جزای تقدیه محکوم اولان مرقوم حقنده کی جزای تقدینك حبسه تحویله مساع قانونی اولدیغندن بوبابده کی طلبك ردینه قرار ویرلدیکنی متضمندر . تمیز استدعانا مه سنده محکمه محلیه جه قانون جزانك اوتوز یدنجی ماده قائمه سی صراحتنه مخالف اوله رق بوجه محرر اتخاذ قرار اولنسی یولسز ومستلزم نقض ایدوکندن بحثله مذکور قرارنامه نك نقضی استدعا قلمدینی کبی تبلیغنامه ده دخی قرار مذکور تشکیل طرفین ایله بالحا که اتخاذ قلمامش وربع لیرا کسوراتی ربع لیرا عدیه اکا کوره حکم اعطاسی قانون جزانك اوتوز یدنجی ماده سی صراحتی اقتضاسندن ایکن مساع قانونی اولدیغندن بحثله عدم تحویله قرار ویرلش اولسی مخالف قانون اولوب تمیز استدعانا مه سی مندرجاتی وارد اولدینی بیانیه مذکور قرارنامه نك نقضی طلب اولمشدر .

ایجاب کیفیت لدی المذاکره مظنون علیه عبدالمسیح محکوم اولدینی جزای تقدیمی تأدیه دن امتناع ایلسندن ناشی جزای تقدی مذکورك حبسه تحویلی ایچون وقوعبولان مراجعت اوزرینه محکمه جه علی الاصول تشکیل طرفین ایله بالحا که قرار اتخاذی مقتضیات احکام قانونیه دن ایکن تشکیل طرفین ایدلمکسزین بلاحا که اعطای قرار اولنسی یولسز ومخالف اصول وقانون کورنمش اولدیغندن اصول محاکمات جزائییه قانوننك اوچیوز اون دردنجی واوچیوز اون طقوزنجی ماده لری منظوقجه قرار مذکورك بوسبدن تقضیله احکام قانونیه دائره سنده ایفای معامله اولنق اوزره اوراقنك محله اعاده سنه وایکیوز غروش اعلام خرجنك بالاخره حقسنز چیقان طرفدن استیفاسنه ۸ ایلول ۳۳۱ تاریخنده متفقاً قرار ویرلدی .

حکمه تمیز استدعا دائره سنده صادر اولوب ۱۳ ایلول ۳۳۱ تاریخنده قراره ربط اولناه اعلام صورته

«کرك حکم ابتدائیک فسخنده وکرك ذات دعوی حقنده صاحب رأی اولان اعضانك

رأینك آلتامش اولسی مخالف قانوندر»

آطنه ولایتی استیناف محکمه سی جزا دائره سنندن تنظیم واعطا قلنان ۲۴ مایس ۳۳۱ تاریخ و یوز اوتوز بش نومرولی اعلامك تمیزاً تدقیق مستدعی محکمه مذکوره مدعی عمومیلکی طرفندن ویریلن استدعانا مه واوراق متفرعه سی باش مدعی عمومیلک مأموریت علیه سنندن با تبلیغنامه محکمه تمیز استدعا دائره سنه تودیع

اولمغله لای التذقیق مذکور استدا نامه نك مدت قانونیه سی ظرفده اعطا قلندینی آ كلاشلمش ایدو كندن بالقبول تدقیقات تمیزیه اجراسنه ابتدار اولندی .

اعلام مذکورك خلاصه مالى ایفای وظیفه اثناسنده تحصیلدار حسنی و امام محمد و مختار و کیلی محمدتور و اعضا اسماعیل و محمد ایله ژاندارمه محمدی ضرب و تحقیر ایدیکسی ادعا اولنان فاطمه نك اون بش کون حبسنه دائر بدایه لاحق اولان حکمك عندالاستیناف فسخیله مزبورده نك فعل مذکورده احتساری ثابت اوله مدیغندن برائته قرار ویرلیدیکسی متضمندر .

تمیز استدا نامه سنده اعضادن خالد بکک رأی التفسیرین اعطای حکم اولنسی مغایر قانون ایدو كندن بمثلله اعلام استینافینك قضی استدا اولنمش و تبلیغنامه ده دخی مذکور لایحه ده درمیان اولنان اعتراض صورت جریان عا که بی ناطق ضبطنامه مندرجاتنه کوره وارد بولنمش اولدیغندن اعلام مذکورك قضی طلب اولنمشدر . ایجاب کیفیت لای المذاکره اعلام میزبک مبنی علمی بولنان ضبطنامه زیرنده اعضادن بری طرفدن ویریلن شرحده (اعلامك فسخنده رأیم آلمادیغندن شرح ویرلدی) دیه یازلمش اولسنه کوره كرك حکم ابتدائینك فسخنده و كرك ذات دعوی حقنده صاحب رأی بولنان اعضانك رأی التماس اولدینی مستفاد اولوب بوايسه مخالف احکام قانون بولندیغنه و اعلامك ارتق سائر جهاتنك تدقیقنه محل قالمادیغنه مبنی اصول محاکمات جزائیه قانوننك اوچیوز اون دردنجی و اوچیوز اون طوقوزنجی ماده لری منظوقجه اعلام میزبه مذکورك بوجهندن تفضیله احکام قانونیه دائره سنده ایفای معامله اولنق اوزره اوراق متعلقه سنك محکمه مذکورده اعاده سنه وایکیوز غروش اعلام خرجنك بالاخره ایجاب ایدن طرفدن اخذینه ۱۳ ایلول ۳۳۱ تاریخنده متفقاً قرار ویرلدی .

حکم تمیز استدا نامه سنده صادر اولوب ۱۳ ایلول ۳۳۱ تاریخنده قراره ربط اولنان اعلام صورتیبر .

« موقوف اولدقلری یردن زلزله ویا حرب سببیه دیگر محللر توقیفخانه لرینه نقللرینه لزوم کوریلن مظنون ویا مهمملرله شریك جرملرینه عائد دعوی بی رؤیته ، قالدقلری نقطه دن اعتباراً نقل اولندقلری محللر محاکمی صلاحیتداردر . »

انطالیه و اسپارطه سنجاقلری استیناف محکمه لری جزا دائره لردن صادر اولان قرارلرک یکدیگرینه مبنایتندن ناشی تعیین مرجع دعوی طلبی حاوی مذکور انطالیه استنای محکمه سی مدعی عمومیاکی جانبندن معطی ۱۳ اغستوس ۳۳۱ تاریخلی استدا نامه ایله اوراق متفرعه سی باش مدعی عمومیلک مأموریت علیه سندن بابتلیغنامه محکمه تمیز استدا دائره سنه تودیع ایدلمکله قرائت اولندی .

اوراق موجوده مندرجاتنه نظراً سرقت ماده سندن طولانی مظنون علیهم اولوب انطالیه استیناف محکمه سنجه محکومیتلرینه قرار ویریلن و احوال حربیه سببیه اسپارطه توقیفخانه سنه نقل اولنان حسن ایله

رفاقسنه دائر اعطا ایدیلن اعلام عندالتمیز نقص و اعاده اولنسی اوزرینه مذکور اسپارطه سنجاغی استیناف محکمه سنجه اجراقلنان محاکمه نتیجه سنده مظنونلردن بعضیلرینك کولکلی اوله رق عسکره سوق اولندقلری اثناده قرار ایملرینه و بر قسمنك ده مظهر عفو عالی اولوب تخلیه اولملرینه مبنی حال حاضرده محاکمه لری اجرا قلندیق موقوف اشخاص قالمدیغندن بمثلله محاکمه اجرایی وظیفه خارجنده اولدیغنه قرار ویرلش و انطالیه استیناف محکمه سنجه دخی قانون اخیر موجبجه بو بابده محاکمه اجراسنك اسپارطه استیناف محکمه سنه عائدتی تحت قراره آلمش اولسنندن ناشی مقررات مذکورده ینده شو وجه ایله حاصل اولان اختلافک تعیین مرجع صورتیه حلی طلب اولنمش و تبلیغنامه ده دخی حادثه حربیه طولایسیله نشر ایدیلن ماده قانونیه موجبجه انطالیه محکمه سندن اسپارطه محکمه سنه نقل اولنان دعوی حاصره نك رؤیتی امرنده انطالیه محکمه سنك صلاحیتی رفوع بولنمش اولدینی بیانیه اسپارطه محکمه سنجه متخذ قرارک زفی صورتیه اختلاف واقعک حلی طلب اولنمشدر . ایجاب کیفیت لای المذکره موقوف بولندقلری محللردن حرکات ارضیه و حادثات حربیه اخیره سببیه دیگر محللر توقیفخانه لرینه نقللرینه لزوم کوریلن مظنون ویا مهمملر ایله شریك جرملرینه عائد دعاوینك قالدقلری نقطه دن اعتباراً رؤیت واکالنه اشخاص مرقومه نك نقل ایدلدقلری محللر محاکمی صلاحیتدار اولجانی اولبابده اخیراً نشر اولنان قانون مخصوصک برنجی ماده سنده محرر اولسنه و سرقت ماده سندن طولانی مظنون علیهم اولوب انطالیه استیناف محکمه سنجه محکومیتلرینه قرار ویریلن و احوال حربیه سببیه اسپارطه توقیفخانه سنه نقل اولنان حسن ایله رفاقسنه دائر اعطا ایدیلن اعلام تمیزاً نقص و اعاده اولنسی اوزرینه قانون مخصوص مذکورده موجبجه مذکور اسپارطه سنجاغی استیناف محکمه سنجه محاکمه لرینك اجرایی لازم کله چکنه مبنی اصول محاکمات جزائیه قانوننك درتیوز اون سکیزنجی ماده سی منظوقجه ذکر اولنان اسپارطه سنجاغی استیناف محکمه سنجه متخذ قرارک رفیله اوراجه محاکمه اجرا اولنق اوزره اوراق ذواتنك محله ارسالنه ۱۲ ایلول ۳۳۱ تاریخنده متفقاً قرار ویرلدی .

محکم تمیز قراره سی مقرراتی

حکم تمیز جزا دائره سنده صادر اولوب ۲۲ ایلول ۳۳۱ تاریخلی ۲۶۸۱ نومرولی اعلام صورتیبر :

« جنحه ایله مظنون اولوب لزوم محاکمه سنه قرار ویریلن بر شخص ، مجرد قنده کی تحقیقاتک جنایت مظنونیه برلکده جریان ایتمسندن ناشی محاکمه جنائیه نك ختامنه قدر موقوف طوتیلاماز . »

ابوکال قزاسنك غرانبیج قریه سی اهالیسندن حفیدالاحدی قتل ایتمک ماده سندن جنایتله متهم بولنان اشخاص ایله برلکده محاکمه سی اجراقلنق اوزره ضرب فعلندن طولانی جنحه درجه سنده لزوم محاکمه سنه

قرار ویریلان و موقوف بولنان قریه مذکورہ لی عویدالجوارک واقع اولان طلب واستدعاسی اوزرینہ بحق تخلیہ سی لزومہ دائر زور سنجائی بدایت محکمہ سی جزا دائرہ سنجہ اتخاذ اولنان ۹ شباط ۳۳۰ تاریخی قرارک تمیزاً تدقیق حقندہ محکمہ مذکورہ مدعی عمومیکندن معطی استدعانامہ ایله اوراق متفرعہ سی باش مدعی عمومیک مأموریت علیہ سندن ۶ حامدی الاخر ۳۳۳ و ۸ نisan ۳۳۱ تاریخی و اوچوز سکسان درت نومرولی تبلیغنامہ ایله ۱۱ نisan ۳۳۱ تاریخندہ محکمہ تمیز جزا دائرہ سنہ تودیع قلمش و مذکور استدعانامہ نک مدت قانونیہ سی ظرفدہ ویرلدیکی بالتدقیق ۱ کلاشلش اولغلہ مطالعہ اولندی . مذکور لایحه تمیزیه مالی ضرب عایدن طولانی مظنون علیہ اولوب جنایت مہملریہ معاً کما کہ سی اجرا اولنق اوزرہ جنجہ درجہ سندن لزوم محاکمہ سنہ قرار ویریلان عویدالجوارک اصول محاکمات جزائیہ قانونک ایکی یوز یکریمی برنجی مادہ سندن مصرح اولدینی وجہلہ ختام محاکمہ قدر محبسده قلمسی مقتضی بولندینی نتیجہ محاکمہ دن اول هیچ بر صورتلہ تخلیہ سی جائز اولدینی حالہ مرقومک وقوعبولان استدعاسی اوزرینہ محکمہ جہ صراحت قانونیہ قارشو برطاقم اسباب واهیہ غیر مقبولہ سردیہ بحق تخلیہ سیلنہ دائر قرار اتخاذ اولنسی مخالف قانون اولدیغندن بحثله قرار مذکورک فسخی استدعاسی متضمندر .

سالف الذکر تبلیغنامہ دخی موقوفاً اوراق محکمہ یہ سوق اولنان مظنون علیہمک نتیجہ محاکمہ قدر موقوف قالمیری اصول محاکمات جزائیہ قانونک ایکی یوز یکریمی برنجی مادہ سی احکامندن اولدینی حالہ مرقومک بحق تخلیہ سنہ قرار ویرلمسی مخالف قانون اولدیغندن بحثله تمیز استدعانامہ سندن درمیان اولنان اعتراض وارد وسبب نقضه مستند بولنش اولدینی بیانیلہ قرار مذکورک نقضی طلب اولنمشدر .

اوراق سائرہ دعوانک دخی مطالعہ سندن صوکرآ تدقیقات تمیزیه اجرا اولندقدہ اصول محاکمات جزائیہ قانونک ایکی یوز یکریمی برنجی مادہ سی جنایتلہ مظنون علیہ اولہرق توقیف اولنوب نتیجہ تحقیقاتہ حرکتلری جنجہ درجہ سندن کوریلان اشخاص حقندہ اولوب اساساً جنجہ ایله مظنون اولدینی حالہ حسب الارتباط حقندہ جنایت مظنونیلہ توحیداً تحقیقات جریان ایدہرک جنجہ ایله لزوم محاکمہ سنہ قرار ویریلان کیمسہرک دخی دعوای جنائیہ عائد محاکمہ نک ختامہ قدر موقوف قالمیری لازمکله جکنی متضمن اولمادینی وقانون مذکورک یوز سکرنجی و یوز طقوزنجی مادہ لریلہ یوز اون برنجی مادہ سنک جنجہ مظنونلریہ بخش ایش اولدینی مساعداتی نخل بولمادینی و اخیراً تعدیل اولنان یوز یکریمی بشنجی مادہ اصولیہ دہ جرم واقع جنجہ نوعندن معدود اولدینی حالہ حبسی مستلزم اولان جرایمدن مظنون علیہک ذاتاً موقوف ایسہ حال وصفی وجرمک ماهیتی ودلائل وامارات موجودہ نک درجہ قوتی نظر دقتہ آلهرق موقوفاً اجرای محاکمہ یہ محل اولوب اولمادیغنک تقدیری ضمنتہ مستطقت رئیس محکمہ یہ تودیع اولنہ حق لزوم محاکمہ قرار نامہ سی زیرینہ توقیف امرینک دوامنہ لزوم اولمادینی رئیس جانبندن اشارت اولندیی حالہ مظنون علیہدن برقامتکاه سندی اخذ ایله صالیویریلوب محاکمہ سی غیر موقوف اولہرق جریان ایدہرک مندرج اولسنہ کورہ جنجہ

عادیہ ایله مظنون اولوب بوندن طولانی لزوم محاکمہ سنہ قرار ویریلان بر شخصک مجرد حقندہ کی تحقیقاتک جنایت مظنونیلہ برلکدہ جریان ایتسندن ناشی محاکمہ جنائیہ نک ختامہ قدر موقوف طوتلسی ایجاب معدلتہ و مقصد قانونہ تدافق ایتیمہ جکی جهتلہ ضرب عادی ایله مظنون علیہ اولوب جنایت مہملریہ تبعاً محکمہ جنایتہ سوق اولنش اولان مرقوم عویدک سالف الذکر ایکی یوز یکریمی برنجی مادہ قانونیہ موجبہ ختام محاکمہ قدر موقوف قلمسی لازمکله جکنہ دائر لایحہ دہ درمیان اولنان اعتراض غیروارد کورلدیکندن مذکور تمیز استدعاسنک ردینہ ۱۵ نisan ۳۳۱ تاریخندہ متفقاً قرار ویرلدی .

حکمہ تمیز جزا دائرہ سندن صادر اولوب ۲۲ ایول ۳۳۱ تاریخی ۲۷۰۴ نومرولی اعلام صوریدر :

« عمل قتله بولنان و قاتل طرفندن استمال ایدیلن اشیای جرمیہ حقندہ تحقیقات اجرا ایدلہ سی مستلزم نقضدر »

صاروخان سنجائی بدایت محکمہ سی جزا دائرہ سندن صادر اولان ۳۰ رجب ۱۳۳۳ و ۳۱ مایس ۱۳۳۱ تاریخی و یکریمی اوچ نومرولی اعلام ایله اوراق متفرعہ سی باش مدعی عمومیک مأموریت علیہ سندن ۶ ذی القعدہ ۱۳۳۳ و ۲ ایول ۱۳۳۱ تاریخی وایکی بیک ایکوز طقسان بش نومرولی تبلیغنامہ ایله ۵ ایول ۱۳۳۱ تاریخندہ محکمہ تمیز جزا دائرہ سنہ اعطا قلمشدر .

اعلام مذکورک خلاصہ مالی : اوچوز یکریمی طقوزسنہ سی مایسنک اوتنجی کیجہ سی اقتضار قضاسنک صاغر آتجی قریہ سندن یوروک علی خواجه اوغلی خلیلی جرح و قتل ایلدیکی ادعا قلمسندن دولایی جنایتلہ اتهام اولنان قوحه فغان قریہ سندن منلا احمد دامادی بحری بن احمدک محکومیتہ دائر مقدما ویریلان اعلام عندالتمیز نقض ایله اعادہ قلمسی اوزرینہ اخیراً اجرا قلنان محاکمہ علیہ سی نتیجہ سندن مہم مرقومک مہوراً فعل قتل مذکورہ جرائی ثابت اولدیغندن مجرمیتہ وقانون جزانک یوز یتش دردنجی مادہ سنہ توفیقاً اون بش سنہ مدتلہ کورک قونلسنہ ۱۸ نisan ۱۳۳۱ تاریخندہ حکم اولدیغندن عبارتدر .

تبلیغنامہ دخی شاهدلر یالکز ایکی شخصک قرار الیسنی کوردکلرینی و بونلرک اثنای فرارلرنده درت ال سلاح آتدکلرینی و او صرہ دہ خلیلک مجروح و مقتول اولدیغنی اخبار ایدوب فاعللری تشخیص ایتامش اوللریہ نظراً بونلردن برینک مہم بحری اولدیغنه وبالخاصہ فعل جرح وقتلک دخی مرحومک اتدینی سلاح مریمسنک اصابتلہ و فوعبولدیغنه دائر ادله قاطعہ ثبوتیہ نک قرار مجرمیتہ بر تفصیل ذکر توضیحی لزومندن ذہول ایدلش اولدیغندن بحثله اعلام اخیر مذکورک دخی نقضی طلب اولنمشدر .

اوراق دعوی بعدالمطالعہ تدقیقات تمیزیه اجرا اولندقدہ شہود مستمعہ دن بر قسمی مقتول خلیلک اغزندن کندوسنی بحری و مصطفانک اوردیغنی استماع ایتدکلرینی و بر قسمیدہ بحرینک اوردیغنی تصریح ایلدیکنی اخبار ایتلریہ و نقض سابق دخی تعمیقات لازمہ نک اجرا سیلہ قتلک یالکز بحری طرفندن ایقاع ایدلدیکسنک

ادله قاطعه ثبوتیه سنک مجرمیت قرارنده کوسترلماسنه دأر اولدیغه نظراً بوباده تعمیق تحقیقات ایدلک مقتضی ایکن اعلام اخیرده دخی برکونه اسباب ودلائل کوسترلماش وعلی الخصوص مقتله بولنوب بحریه عائد اولدیغی سویلتیلان روولور غلافی حقنده هیچ بر تحقیقات اجرا ایدلماش اولدیغی اکلاشلش و بوحال ایسه مستلزم نقض بولنش اولدیغندن اصول محاکات جزائیة قانوننک اوچیوز اون دردنجی ماده سنه توفیقاً اعلام اخیر مذکورک دخی نقضه واحکام قانونیه دائره سنده ایفای معامله اولنق اوزره اوراقلک محله اعاده سنه وایکیوز غروش اعلام خرجنک ایلروده حقسنر حقیقه جق طرفدن تحصیلنه ۶ ایلول ۱۳۳۱ تاریخنده اکثریتله قرار ویرلدی .

محکمہ تمیز جزا دائره سنده صادر اولده ۲۲ ایلول ۳۳۱ تاریخ ۲۷۰۶ نومرولی اعلام صورنیر :

« جرمه صورت ودرجه اشترکی تعیینه مدار عد ایدیلن ادله ثبوتیه نك قرار مجرمیتده بر تفصیل ذکر ایدلسی مقتضیدر »

توقاد سنجاغی بدایت محکمه سی جزا دائره سنندن صادر اولان ۶ صفر سنه ۳۳۳ و ۷ مایس سنه ۳۳۱ تاریخی ویکرمی بر نومرولی اعلام ایله اوراق متفرعه سی باش مدعی عمومیلک مأموریت علیه سنندن ۷ ذی القعدة سنه ۳۳۳ و ۳ ایلول سنه ۳۳۱ تاریخی وایکی بیك اوچیوز اوچ نومرولی تبلیغنامه ایله ۷ ایلول سنه ۳۳۱ تاریخنده محکمه تمیز جزا دائره سننه اعطا قلمشدر اعلام مذکورک خلاصه مالی اوچیوز اوتوز سنه سی نیشاننک اون برنجی کونی ذیلنک طوغان اوغلی قریه سنندن اسماعیل اوغلی طورسونک کیفیت قتلندن دولای جنایتله اتهام اولنان اشخاصدن ابراهیم چاوش الله جنحه مظنون علینک موقع حربه سوق ایدلکاری اکلاشلغله بولنر حقنده کی محاکمه نك تأجلنه قرار ویرلسی اوزرینه دیگر متهم قیالر قریه سنندن ایش اوغلی قدیر کهیانک اجرا قتلان محاکمه سی نتیجه سنده متهم مرقومک متهوراً وفاعل مستقی غیر معین صورته فعل قتل مذکوره جرأتی ثابت اولدیغندن مجرمیتنه وقانون جزانک یوز یتمش دردنجی و یوز سکسانجی ماده لرینه توفیقاً مستحق اولدیغی اون بش سنه کودک جزاسنک نصفی بالتزیل یدی بچق سنه مدته کورکه قولسنه ۷ مایس سنه ۳۳۱ تاریخنده حکم اولدیغندن عبارتدر .

اوراق دعوی بعدالمطالعہ تدقیقات تمیزیه اجرا اولندقدہ تبلیغنامه ده دخی بیان اولندیغی وجهله طورسونی جرح و قتل ایدن سلاح مریمسنک مرقومک صول طرفندن آلمش اولدیغنه دأر طیب راپورنده محرد صراحتہ و متهم قدیرک مقتولک صاغ جهتنده بولنر رق استعمال سلاح ایدلیکی حقنده کی اخباراته نظراً بالاطراف تعمیق تدقیقات اولنر رق ذات جرمه صورت ودرجه اشترکی تعیینه مدار عد ایدیلن ادله ثبوتیه نك قرار مجرمیتده بر تفصیل ذکر وتوضیحی لازم کلورکن بوباده ذهول ایدلیکی کورلمش اولدیغندن

اعلام مذکورک اصول محاکات جزائیة قانوننک اوچیوز اون دردنجی ماده سنه توفیقاً نقضه واحکام قانونیه دائره سنده ایفای معامله اولنق اوزره اوراقلک محله اعاده سنه وایکیوز غروش اعلام خرجنک ایلروده حقسنر حقیقه جق طرفدن تحصیلنه ۷ ایلول ۱۳۳۱ تاریخنده متفقاً قرار ویرلدی .

محکمہ تمیز جزا دائره سنده صادر اولده ۲۲ ایلول ۳۳۱ تاریخ ۲۷۰۸ نومرولی اعلام صورنیر :

« تنزیل جزا خصوصنده تطبیق اولنان ۲۰۳ نجی ماده قانونیه نك ذیل اخیرى مجازات تأدیبیه یی مستلزم اولان سرقت فعلنک فاعل لرینه عائد اولوب جنایت درجه سنده کی سرقت فعلی ایقاع ایدنلره شامل دکلدرد »

مرسین سنجاغی بدایت محکمه سی جزا دائره سنندن صادر اولان ۷ نیشان ۳۳۱ تاریخی و دت نومرولی اعلام ایله اوراق متفرعه سی باش مدعی عمومیلک مأموریت علیه سنندن ۶ ذی القعدة ۳۳۳ و ۲ ایلول ۳۳۱ تاریخی وایکی بیك اوچیوز الی نومرولی تبلیغنامه ایله ۷ ایلول ۳۳۱ تاریخنده محکمه تمیز جزا دائره سننه اعطا قلمشدر

اعلام مذکورک خلاصه مندرجاتی اوچیوز اوتوز سنه سی تشرین ثانینک برنجی کیجه سی طرسوسک دلمنت قریه سنندن قره ابراهیم اوغلی یوسفک دکاننک دیوارینی دله رک اشیای بقالیه سنی سرقت ایدلکاری ادعا قلمسندن طولای جنایتله اتهام اولنان قریه مذکوره دن سالم شمود اوغلی علی وحسن شمود اوغلی خلیمک اجرا قتلان محاکمه لری نتیجه سنده متهمان مرقومانک مدینک دکانی قپوسنی آلت مخصوص ایله آچهرق درونندن اشیای بقالیه سنی سرقت ایتدکاری ثابت اولدیغندن اولوجهله مجرمیت لرینه وحرکت لرینه توافقی ایدن قانون جزانک ایکیوز یکرمنجی ماده سنه توفیقاً اوچر سنه مدته کورکه قوللرینه و بولنر دن علینک حین ایقاع جرمده اون سکر یاشنی اکمال ایتماش اولسی جهتله قرقنجی ماده قانونیه موجبنه مذکور کورک جزاسنک ثلثانی اولان ایکی سنه مدته حبس تحویلنه و بش سنه ده ضبطه نظارتی آلتنه آلمسنه و مرقومانک تعقیبات اثناسنده اموال مسروقه یی صاحبنه رد واعاده ایتدکاری اکلاشلغله قانون مذکورک ایکیوز اوتوزنجی ماده سی ذیلنه تطبیقاً علینک مدت محکومه مذکوره سنک برسنه درت ماهه و خلیلک مدت محکومه سنک ده ایکی سنه یه تنزیله ۵ نیشان ۳۳۱ تاریخنده حکم اولدیغندن عبارتدر

ذکر اولنان تبلیغنامه ده دخی صورت جریان محاکمه سیله جهت تطبیقه سی حقنده برکونه اعتراضه محل کوریه مدیکی بیانیه اعلام مذکورک تصدیق طلب اولنشدر

اوراق دعوانک مطالعه سنندن صکره تدقیقات تمیزیه اجرا اولندقدہ تنزیل جزاده مابه النطیق اتخاذ اولنان ایکیوز اوتوزنجی ماده قانونیه ذیل اخیرى مجازات تأدیبیه یی مستلزم اولان سرقت فعلنک فاعل لرینه عائد

اولوب بومثلوجنایت درجه سنده کی سرقت افعالی ایقاع ایدلره غیر شامل ایکن محکوم علیهمانک ذیل مذکوره مستنداً تنزیل جزالرینه کیدلسنده اصابت قانونیه کوریه مدیکندن اصول محاکمات جزائییه قانوننک اوچیوز اون دردنجی ماده سنه توفیقاً اعلام مذکورک نقضنه واحکام قانونیه دائره سنده ایقاع معاملیه اولنق اوزره اوراقنک محله اعاده سنه و ایکیوز غروش اعلام خرجنک ایلروده حقسنر چیقه جق طرفدن تحصیلنه ۷ ایلول ۱۳۳۱ تاریخده متفقاً قرار ویرلدی .

حکمہ تمیز جزا دائره سنده صادر اولره ۲۳ ایلول ۳۳۱ تاریخ ۲۷۱۱ نومرولی اعلام صورتیر :

« مجرمک سنی حقنده نفوس مأمورلغندن شفاهاً تحقیقات اجراسیله اکفا ایدیلوبده نفوس قید رسمی سنک اوراق دعوی میانده بولندیرلامسی مخالف قانوندر . »

قیصری سنجانی بدایت محکمه سی جزا دائره سندن صادر اولان ۶ شعبان سنه ۳۳۳ و ۶ حزیران سنه ۳۳۱ تاریخی و بش نومرولی اعلام ایله اوراق متفرعه سی باش مدعی عمومیلک مأموریت علیه سنک ۱۳ ذی القعدة سنه ۳۳۳ و ۹ ایلول سنه ۳۳۱ تاریخی و ایکی بیک اوچیوز اوتوزر نومرولی تبلیغنامه ایله ۱۰ ایلول سنه ۳۳۱ تاریخده محکمه تمیز جزا دائره سنه اعطا قلمش اولغله مطالعه اولندی

اعلام مذکورک خلاصه مندرجاتی : اوچیوز اوتوز سنه سی حزیران سنک اون دردنجی کونی بنیان قضاسنک انچه لی قریه سندن حسین اوغلی علینک اثنای راهده اوکنه کچرک جبر و شدت اجراسیله نقودنی سرقت ایلدکری ادعا قلمسندن طولانی جنایتله اتهام اولتان قره قیا قریه سندن صالح اوغلی یکریمی اوچ یاشنده محمد و قرانباش اوغلی نجیبک اجرا قلنان محاکمه لری نتیجه سنده مهمان مرقومانک جبر و شدت اجراسیله سرقت مذکوره جراتلری حصر ادعا و شهادات واقعه و طیب راپوری مندرجاتی و دلائل سائر ایله ثابت اولدیغندن اولوجهله مجرمیتلریه و حرکتلریه توافقی ایدن قانون جزانک ایکی یوز یکریمی برنجی ماده سنه توفیقاً و ابتداء تاریخ توقیف لری اولان اوچیوز اوتوز ایکی سنه سی شعبانک طقوزنجی کوندن اعتباراً اوچر سنه مدته کورکه قونلرینه ۱۶ مارت سنه ۳۳۱ تاریخده حکم اولدیغندن عبارتدر .

سالف الذکر تبلیغنامه ده دخی : صورت جریان محاکمه سیله جهت تطبیقیه سی حقنه برکونه اعتراضه محل کوریه مدیکی بیانیله اعلام مذکورک تصدیق طلب اولنشدیر

اوراق دعوی بعدالمطالعه تدقیقات تمیزیه اجرا اولندقدقه مهمان مرقوماندن محمد حقنده جریان ایدن محاکمه ایله لاحق اولان حکم اصول و قانونه موافق بولندیغندن مرقومه عائد حکمک تصدیقنه و نجیب حقنده کی حکمه کلنجه مرقوم حین استجوابنده اون یدی و محاکمه اون سکزی یاشنده اولدیغنی سولیش اولسیله مرقومک سنک محلی نفوسی مأمورلغندن تلفونه استعلامی ضمنده محکمه دن بنیان قضاسی مدعی

عمومیلکنه یازیلان مذکوره زیرینه بلا امضا و مهر یازیلان شرحده مرقوم نجیبک اوچیوز اون بر تولدی اولدیغنی نفوس قیدینه مستنداً تلفونه بیلدیردیکی بیان و تحریر اولنسیله اکا بنای معاملیه اولنمش و حالبوکه بوکی معاملات رسمیه نک حائر ثوق و اعتماد اولسی نفوس قیدینک اصولی دائره سنده بیلدیرلسنه و قید رسمینک دعوی اوراق میانده بولنسنه متوقف اولدیغنی حالده بو معاملیه نک اصولیه توفیق ایدلامسی مخالف قانون و مستلزم نقض احوال دن بولنش اولغله مرقوم نجیب حقنده کی حکمک دخی اصول محاکمات جزائییه قانوننک اوچیوز اون دردنجی ماده سنه توفیقاً نقضنه واحکام قانونیه دائره سنه ایقاع معاملیه اولنق اوزره اوراقنک محله اعاده سنه و یوز غروش تصدیق خرجنک محمددن و ایکی یوز غروش نقض خرجنک دخی ایلروده حقنده چیقه جق طرزدن تحصیلنه ۱۳ ایلول سنه ۳۳۱ تاریخده متفقاً قرار وردی .

حکمہ تمیز جزا دائره سنده صادر اولره ۲۲ ایلول ۳۳۱ تاریخ ۲۷۱۴ نومرولو اعلام صورتیر :

« مدعی شخصیلرک جنایتدن براتی متضمن اولان مقررات علیه تمیز دعوایه صلاحیت قانونیه لری یوقدر »

دوشنبه ناحیه سنک اوراق سکری قریه سی جوارنده کائن میری اورمانی احراق ایلدیکی ادعا قلمسندن دولانی جنایتله اتهام اولتان قریه مذکورده مصطفی اوغلی حسنک اجرا قلنان محاکمه سی نتیجه سنده مهتم مرقومک فعل مدعا بندن برانته دائر قونیه ولایتی استیناف محکمه سی جزا دائره سندن تنظیم و اعطا قلنان ۱۷ رمضان ۳۳۳ و ۱۶ تموز ۳۳۱ تاریخی و یکریمی بش نومرولی اعلامک تمیزاً تدقیق حقنده محلی اورمان اداره سی و کیلی طرفدن معطی استدعانا مه ایله متفرعاتی باش مدعی عمومیلک مأموریت علیه سندن ۱۴ ذی القعدة ۳۳۳ و ۱۰ ایلول ۳۳۱ تاریخی و ایکی بیک اوچیوز قرق درت نومرولی تبلیغنامه ایله ۱۲ ایلول ۳۳۱ تاریخده محکمه تمیز جزا دائره سنه تودیع ایدلمکله لدی التدقیق سالف الذکر تبلیغنامه ده دخی بیان اولدیغنی وجهله اصول محاکمات جزائییه قانوننک اوچیوز اون سکزینجی ماده سی صراحتی موجبجه مدعی شخصیلرک جنایتدن براتی متضمن اولان مقررات علیه تمیز دعوایه صلاحیت قانونیه لری اولدیغندن مارالذکر تمیز استدعاسنک ردینه ۱۳ ایلول ۳۳۱ تاریخده متفقاً قرار ویرلدی .

حکمہ تمیز جزا دائره سنده صادر اولره ۲۲ ایلول ۳۳۱ تاریخ ۲۷۳۰ نومرولی اعلام صورتیر :

« مهتمک سنی عندالحاکمه موضوع بحث ایدلیدیکی تاریخده نفوس قانون جدیدی صریحاً اجرا بولندیغنه کوره بو قانون احکامنه توفیقاً محکمه جه تقدیر سن ایدلمه سی مخالف قانوندر »

موصل ولایتی استیناف محکمه سی جزا دائره سندن صادر اولان ۱۵ رجب ۱۳۳۳ و ۱۶ مایس ۱۳۳۱ تاریخی و قرق آتی نومرولی اعلام ایله اوراق متفرعه سی باش مدعی عمومیلک مأموریت علیه سندن

۱۶ ذی القعدة ۱۳۳۳ و ۱۲ ایلول ۱۳۳۱ تاریخی و ایکی بیک اوچوز الی طقوز نومرولی تبلیغنامه ایله
۱۴ ایلول ۱۳۳۱ تاریخده محکمه تمیز جزا دائره سینه اعطا قلمشدر. اعلام مذکورک خلاصه مائی اوچوز
یکرمی طقوز سنه سی تشرین اولی ظرفنده زاخو قضاسنک شرافش اسلام قریه سندن خالد بن ملاطه نك
کیفیت قتلندن طولای جنایتله اتهام اولنان نمرود بن هر مزنك اجرا قلنان محاکمه علیه سی نتیجه سنده مهم
مرقومك مهووراً فعل قتل مذکوره جرأتی ثابت اولدیغندن مجرمیتنه و قانون جزانك یوز تمش دردنجی
ماده سنك فقره اولاسنه توفیقاً اون بش سنه مدته کورکه قونل سینه ۵ مایس ۱۳۳۱ تاریخده حکم
اولدیغندن عبارتدر .

تبلیغنامه ده دخی مهمك سجل نفوس قیدینك تصحیحی حقنده زاخو قضاسی مجلس اداره سنك خلاف
صلاحیت اتخاذ ایلدیکی قرارك ظاهر حاله موافق اولدیغی محکمه جهده مصدق و نفوس نظامنامه سی موجبجه
مهمك حالاً بولدیغی محل محکمه سینه عائد اولان تصحیح سن معامله سینه مذکور مجلس اداره نك مارالذکر
قرارینك بر کونه حکم و تأثیری حائر اوله میه جنی امر محقق ایکن اشبو قراره بنای حکم ایدلمسی یولسز
اولدیغی کبی مهمك مدافعه وکالتنده بولدیریلان منصور افندینك صفت و اهلیت وکالتنك اعلامده تصریح
قلماسی دخی مستلزم نقض نواقصدن ایدوکنندن بحثله اعلام مذکورک تقضی طلب اولمشدر .

اوراق دعوی بعدالمطالعه تدقیقات تمیزیه اجرا اولندقدده مهمك سنی عندالحاکمه موضوع بحث ایلدیکی
تاریخده نفوس قانون جدیدی مرعی الاجرا بولمنسه نظراً اشبو قانون احکامنه توفیقاً مرقومك سنی محکمه
عائده سنجه تعیین و تقدیر ایتدیرلمك لازم کلورکن بوندن ذهول اولنمی مخالف قانون اولدیغندن اعلام
اعلام مذکورک اصول محاکمات جزائییه قانوننك اوچوز اون دردنجی ماده سینه توفیقاً نقضه و احکام
قانونیه دائره سنده ایفای معامله اولنق اوزره اوراقنك محله اعاده سینه و اکیویز غروش اعلام خرجنك
ایلروده حقسز چیه حق طرفدن تحصیلنه ۱۵ ایلول ۱۳۳۱ تاریخده متفقاً قرار ویرلدی .

شورای دولت مضبطه لری

شورای دولت تنظیمات دائره سنك ۱۵ تموز ۱۳۳۱ تاریخی و ۳۴۷ نومرولی مضبطه سنك

صورتیدر .

انحصار دخان قانوننك قرق بشنجی و مذکور قانونك صور تطبیقه سی حقنده کی نظامنامه نك یتش ایکنجی
ماده لرینك تفسیری حقنده مالیه نظارتنك شورای دولته حواله بیوریلان ۱۸ نیسان ۱۳۳۱ تاریخی
و ۱۶۸۹ نومرولی تذکره سی تنظیمات دائره سنده قرائت اولندی .

مذکور تذکره ده رژی نظامنامه سنك یتش ایکنجی ماده سنده قاقاق یوکیله دردست ایدیه جك وسائط
نقلیه میاننده حیوانات اولدیغی حالده انحصار اداره سنك طلبی اوزرینه محکمه طرفینی دعوت ایتکسزین وقایه
حقوق مقصدیه و قرار مخصوص ایله او حیوانك فروختنی امر ایده جکی وصاتیه جق هر کونه اشیای نقلیه نك
حاصلات صافیه سی جزای نقدی مقداریه محکمه واعاشه مصرفی تجاوز ایدرسه فضله سی مجرمه اعاده قلنه جنی
مذکور و مصرح اولمنسه نظراً قاقاق توتون حیواناتیه دردست ایدیه جك قاقاقیلرک جزای نقدیه محکومیتلری
حائده بوصورته معامله اجرا اولنه جنی طبیعی ایسه ده فاعل جرم الده ایدلمکسزین قاقاق توتون یوکیله دردست
ایدیه جك حیواناتك حین فروختنده ائماننك تماماً جزای نقدیه محسوبنه امکان مساعد واثمان مذکورده نك
وزنه ده حفظنده بر فائده متصور اولدیغی کبی بوقیل حیوانات ائماننك تماماً رژییه عائد اولمامسی حسیله
جزای نقدیه حکم ایدلمکسزین ائمان مذکورده نك رژی اداره سنده تسلیمی جائز اوله میه جغه کوره احوال
مائله ده نه وجهله معامله ایفاسی ایجاب ایده جکنده تردد اولدیغی و انحصار دخان قانوننك قرق بشنجی
ماده سنك فقره اخیر سنده ضبط اولنان اشیا و حیواناتك اصحابی جرمده ذی مدخل اولماسه لر بیه بونلرک
استرداد ایچون ویاسائر بر ادعا ایله اداره انحصارییه قارشى خصم اوله میوب قاقاق یولنده کندی ماللری
استعمال ایتش اولانلر علیهنده تضمینات دعواسنده بولنه بیلرلر دیه محرر اولمنسه کوره فاعل جرم الده
ایدلمکسزین دردست ایدیلن حیوانات اصحابنك قاقاقییه قارشى دعواده بولنمی قابل اوله میه جفندن بوقیل
حیوانات صاحبلری تضمینات استحصالی ایچون حقلرینی نه صورتله استعمال ایلیه جکلری جای تأمل اولدیغی
بیانیله ایجابی عدلیه نظارتندن استفسار قلمسی اوزرینه بالخباره رژی قومیسر لکنندن آلمان جوابده انحصار
دخان قانوننك صور تطبیقه سی حقنده کی نظامنامه نك یتشنجی ماده سنده دردست ایدیه جك وسائط نقلیه نك
اداره انحصارییه نك الیقین شعبه سینه تسلیم ایدیه جکی مصرح اولدیغندن فروخت ایدیلن اشیانك ائمان حاصله سندن

ضبط ورقه‌سند تعیین اولان جزای نقدیه کافی مقداری رژی اداره‌سی یدنده بر اقله‌رق متبایسی قالیسه اشو فضله‌نك صاحبی مجهول اولان اشیای سائر مثلاً مال صندوقه تسلیمی مقتضی بولندی و قاجاقی در دست اولنمکسزین قاجاق یوکیله طوتیه‌جق حیوانات اصحابنك نه صورتله تضمینات استحصال ایده‌جکی مسئله‌سنه کلنجه انحصار دخان قانوننك مارالعرض قرق بشنجی ماده‌سند ضبط اولان اشیا و حیوانات اصحابنك جریده ذی مدخل اولسه‌لریله بونلرک استرداد و یا سائر ادعا طولایسیله اداره انحصاریه به خصم اوله‌میه‌جکی مذکور و مصرح بولمنسه کوره اگر حیوان صاحبی بالذات حیوانی تسلیم ایتمش ایسه تسلیم ایتدیکی کیمسه‌ی بیلیمی لازم‌کله‌جکندن آنک علیه‌اقامه دعوی ایلی بالکس حیوانی سرقت ایدلمش ایسه فاعلی مجهول‌قالان جرائم حقنده تطبیق ایدیلن اصوله مراجعت اولنسی ایجاب ایددیکی وشو قدرکه بو اصوله مراجعت کیفیتی قانون مذکورک مبحوث عنه ماده‌سی احکامنك امر تطبیقنده بر تأثیر حاصل ایده‌جکی در میان قلمشدر کرچه قاجاق یوکیله در دست ایدیه‌جک حیوانات رژی نظامنامه‌سنك یتمنجی ماده‌سند کوستریلن شرائط دائره‌سند رژی اداره‌سنه تسلیم اولنه‌جق ایسه‌ده بو تسلیم رژی اداره‌سنه بالطبع بر حق تملك بخش ایده‌میه‌جکی درکار و مارالعرض یتمنجی ماده‌ده‌کی استحصال اولنه‌جق حکمه بناءً فروخت اولنه‌جق حیوانات اثمانندن انجق جزای نقدی محاکمه اعاشه محافظه مصارفه کفایت ایده‌جک مقدارینك رژی به تسلیم اولنه‌جقنه دائر مندرج اولان فقراتک‌ده یتمنجی ماده احکامنی تقید ایلکده بولندی آشکار اولوب شو تقدیره کوره سالف‌الذکر انحصار نظامنامه‌سنك یتمنجی ماده‌سی موجبجه توتون قاجاقیلرینه عائد اولمق اوزره ضبط و فروخت ایدیه‌جک اشیا و حیوانات اثماننك رژی عهده‌سند تحقیق بای حال مظلونك محکمه‌ده اجرای محاکمه‌سی ایله جرمک فاعلی اولدینی تبیین ایتدیرلکدن صکره جزا استحصالی ایچون محکمه‌دن قرار استحصالنه متوقف اولوب یوقسنه اورته‌ده نه محکوم ونه‌ده بر محکمه قراری موجود دکل ایکن رژینك توتوندن ماعدا اشیای مضبوطه اثماننه وضع ید ایلمسی موافق اوله‌میه‌جندن بوسورتله دخاندن بشقه فروخت ایدیه‌جک اشیا وسائر اثماننك فاعل جرم ظهور ایدوبده محکمه‌دن حکم صادر اولنجه‌یه قدر امانت حسابنه قید اولنمق اوزره بامذکره مال صندوقلرینه تسلیم ایدلمسی ضروری و بوجه محرر قاجاقیسی در دست ایدیه‌میان حیوانات اصحابنك استحصال حقوقی مسئله‌سی ایسه مذکور حیوانات و یا قاجاقیلر طرفدن کراللمق و یا عاریت و یا خودده غصب و سرقت اولنمق و یا خود قاجاقینك مالی اولمق احتمالاته کوره متحول بر کیفیت اولوب بونلردن کرک قاجاقینك مالی اولان کرکسه شخص آخرک مالی اولوبده قاجاقیلره ایجار و اعاره ایدیلن حیواناتک بر موجب قانون ضبط و فروختیه اثماننك بوجه محرر مال صندوقلرنجه امانه ایراد قیدی مقتضی ایسه‌ده حیوانات مذکوره اعجابندن سرقت و یا غصب صورتیه آلدینی تقدیرده ایستر سارق و غاصبی معلوم اولسون ایستر اولماسون اموال و حیوان صاحبینك خصومتی رژی به و یا یدلرنده اموال و حیواناتی موجود اولان اشخاصه متوجه اوله‌رق قانون جزانك قرق دردنجی ماده‌سی احکامندن بالاستفاده حیوانلری استرداد صلاحیت

قانونیه‌لری اوله‌جکی وشو تقدیره کوره رژی نظامنامه‌سنك یتمنجی ماده‌سی احکامی غصب و سرقت فلندن ماعدا احواله منحصر اولسی هم اساس عدلی به هم قوانین سائر احکامنه موافق بولنه‌جکی طبیی کورلمکده ایسه‌ده کیفیتک تفسیره تعلقی اعتباریه برکرده شورای دولته تدقیق لزومی در میان قلمشدر. ایجاب کیفیت لای‌المذاکره رژی اداره‌سی هر نه قدر انحصار دخان قانوننك صور تطبیقه‌سی حقنده‌کی نظامنامه‌نك (در دست ایدیه‌جک وسائط نقلیه اداره انحصاریه‌نك اک یقین شعبه‌سنه تسلیم ایدیه‌جکدر) عباره‌سنی محتوی یتمنجی ماده‌سنه استناداً فاعلی مجهول اولان احواله دخی قاجاق توتون نقل ایدن وسائط نقلیه اثمان حاصله‌سندن ضبط ورقه‌سند تعیین ایدیلن جزای نقدیه کافی مقدارینك رژی اداره‌سنجه بالاخذ فضله‌سی قالیسه بونک بیت‌المال اداره‌سنه اعطاسی لازم‌کله‌جکی بیان ایتکده ایسه‌ده ماده مزبور حکمی جزای نقدی تقدیر و حکمی قابل اولان احواله شامل اولوب حالبوکه فاعلی مجهول اوله‌رق در دست ایدیلن توتوندن طولای جزای نقدی تقدیر و حکمه امکان و مساع اولماسنه و تقدیر و حکمه امکان اولیان جزای نقدی مقدارینی تأمین و سیله‌سیله بر اچنه‌نك ولو امانت صورتیه اولسون رژی اداره‌سنجه اخذ و محافظه‌سی حقنده رژی قانوننده بر صراحت و یا دلالت بولنماسنه بناءً فاعل جرم الله ایدلمکسزین در دست اولان قاجاق توتونلرک واسطه نقلی بولان حیوانات وسائر اثماننك رژی اداره‌سنه تسلیم و اعطاسنه محل اولمایوب اثمان مذکوره‌نك صاحبی معلوم اولیان اموال حقنده دولته متخذ قاعده عمومی به توفیقاً بیت‌المال اداره‌سنه تودیع ایله اوراچه محافظه‌سی لازم‌کله‌جکی و قاجاقی در دست اولنمکسزین قاجاق یوکیله طوتیه‌جق حیوانات اصحابنك نه صورتله ادعا و استحصال تضمینات ایده‌جکی مسئله‌سنه کلنجه کرچه رژی اداره‌سی طرفدن انحصار دخان قانوننك (ضبط اولان اشیا و حیوانات اصحابی جریده ذی مدخل اولسه‌لریله بونلرک استرداد و یا سائر برادعا طولایسیله اداره انحصاریه به خصم اوله‌مازلر) عباره‌سنی متضمن بولان قرق بشنجی ماده‌سنه استناد ایدیه‌لرک قاجاق نقلیه واسطه اتخا اولان حیوانات وسائر اصحابنك رضاسیله ویرلمش اولسون اولماسون وسائط مذکوره اثمان حاصله‌سندن اداره انحصاریه‌نك استیفای مطلوبه اولان صلاحیت قانونیه‌سی خللدار اوله‌میه‌جکی و بالتلیجه وسائط نقلیه اصحابنك هیچ بر حاله رژی اداره‌سنه قارشی خصومتی توجه ایده‌میه‌جکی سرد و بیان قلمقده ایسه‌ده مالکینک امر و اجازتی تعلق ایتمنکسزین و بلکه غصب و سرقت مثلاً بر جرم نتیجه‌سی اوله‌رق اله‌کیریلن حیوانات و یا آراه‌کی وسائط نقلیه‌دن برینك قاجاقیلقده استعمال ایدلمسی حالنده قاجاقی ایچون ترتب ایده‌جک جزای تقدینك اصل فاعلنه مراجعت ایده‌بیلیمک صلاحیتی محفوظ قالمق قیدیه مقدماً وسائط نقلیه اثمانندن اخذ و استیفاسی احکام موضوعه عمومی ایله غیر قابل تألیف اولدینی کبی رژی اداره‌سنجه مستند ادعا اولان قرق بشنجی ماده قانونیه جکمی لزومی انجق بالرضا اعطا و اعاره قلنان وسائط نقلیه به مصروف بولندیغندن صاحبنك انضمام رضاسیله ویرلیدیکی اثبات اولنه‌میان بوقیل وسائط نقلیه‌دن طولای اصحابنك رژی اداره‌سی علیه‌ده خصومتی متوجه و بوباده اقامه ایده‌جکی استرداد دعواسنك‌ده مسموعیتی طبیی ایدوکندن مالیه نظارتنه بوداژده جواب اعطاسی تذکر قلندی اولبابده.

قِسْمِ غَيْرِ شَرِيكِي

اجاره مشاعه دائر

مجله نك ٤٢٩ نجی ماده سنده مبین اولدینی اوزره برکسنه غیر مقسوم اولان برارضك ویا خود بر حیوانك نصفی استیجار ایتسه ابوحنیفه حضرتلرینه کوره عقد مذکور فاسددر و شیوعك اجاره نی افساد ایتسی خصوصنده مأجورك قابل تقسیم اولوب اولماسنده برفق یوقدر . ابویوسف و محمد و شافعی حضرتلری عندنده اجاره مشاع جائردر مستأجر ایله دیگر حصه صاحبی مهائیه اصوله مراجعت ایدرلر، ابو یوسف و محمد و شافعیك بوبابده کی دلیللری شودر : اجاره بر مالی دیگر برمال مقابلنده مبادله دن عبارت اولوب بوجهله واقع اولان مبادله بیعده اولدینی کی مشاعده و غیر مشاعده لزوم افاده ایدر چونکه اجاره نك موجبی ملك منفعتدر برمالك جزؤ شایعنده دخی منفعت موجوددر . حتی بوندن طولاییدر که برکسنه شایعاً متصرف اولدینی برملکی شریکینه ایجار ایتش اولسه بوعقد جائز اولدینی کی برکسنه مستقلاً متصرف اولدینی ملککی ایکی کسنه یه ایجار ایتش اولدینی حالده بوعقد دخی جائز وایکی مستأجردن هربری ملك مذکورك نصف شایعك منافعه مالکدر زیرا برکسنه خانه سنك نصفی برانسانه اعاره ایتش اولسه بوعقدك جوازنده شبهه اولماز حالبوکه شیوعك عقد تبرعك منعی خصوصنده کی تأثیری عقد معاوضه نك منعی خصوصنده کی تأثیرندن زیاده در نته کیم بیع مشاع جائز اولوب قابل تقسیم اولان اموالده هبه مشاع جائز اولماز . ایدمی تبرع طریقله نصف خانه نك منافعی تمليك جائز اولدینی حالده معاوضه طریقله نصف مذکورك تمليك بالطریق الاولی جائز اولور . ابوحنیفه دییور که ماجر عقد معاوضه ایله تسلیمنه مقتدر اوله مدینی برشیک تسليم ایدلسنی التزام ایتشددر . بناءً علیه بوعقد جائز اوله ماز . غائب اولان بر حیوانی بیع ویا خود ایجار ایتك کی . بوقولك بیانی شو وجهله در : عقد اجاره منافع اوزرینه وارد اولور و منافك تسلیمی مستأجر ك استیفاسیله حاصل اولور . حالبوکه نصف شایعندن استیفای منفعت تحقق ایدمیوب انحق جزؤ معیندن استیفای منفعت ممکن اوله بیلیر چونکه مستأجر ایله ملك صاحبی ویا خود ایکی مستأجرلر اگر مکاناً مهائیه اجرا ایتسه ل هربری مأجورك معین بر طرفنده ساکن اولور واکر زماناً مهائیه یه قرار ویرمش اولسه ل مدت اجاره نك برقسمنده هربری مأجورك تمامنده ساکن اولمق لازم کلیر ایشه بوندن اکلاشیلیور که جزؤ شایعده استیفای منفعت تحقق ایتیور . بناءً علیه ماجر عقد ایجاری جزؤ شایعه اضافت ایتکه تسلیمنه مقتدر اوله مدینی بر

شیک تسليمی درعهده ایتش اولیور فقها دن ابوطاهر و باسك شریکندن بری حصه سنی اجنبی یه ایجار ایتدیکی تقدیرده ابوحنیفه عندنده اجاره صحیح و فقط صاحب ارض ملکك نصفی ایجار ایتدیکی تقدیرده غیر صحیح اولدینی بیان ایتکده اولدینی حکایه اولیور ابوطاهر بو ایکی عقد بیننده کی فرقی ایضاح ایچون دیمش که مستأجر ایله صاحب ارض مهائیه یه محتاج اولورلر و بوقدیرجه اگر مهائیه زمان اوزرینه واقع اولمش ایسه مدت اجاره نك برقسمنده مأجورك تمامی واکر مهائیه مکان اوزرینه واقع اولمش ایسه جمع مدت اجاره ده مأجورك برقسمی ماجر ك الله عودت ایدر و مأجورك ماجریدینه کچمی عقد اجاره اقتضاسنجه استیفای منفعت مانع تشکیل ایدر نته کیم مستأجر مأجوری ماجرعه اعاره ویا ایجار ایتش اولسه عقد اجاره باطل اولور اما ایکی شریکدن بری حصه سنی اجنبی یه ایجار ایتدیکی صورتده مهائیه شریك ایله مستأجر بینده جریان ایتش اوله جغندن مأجور ماجر ك یدینه عودت ایتز بلکه یداجنبی یه عودت ایدر بوایه اجاره ده جائردر مستأجر مأجوری اجنبی یه اعاره ویا ایجاره مقتدر اولدینی کی قول اصح امام اعظمه کوره شو ایکی صورت بیننده اصلاً فرق اولماقدر . بلکه آنفاً بیان ایتدیکمز سبیدن و برده اجاره مشاعده استیفای منفعت انحق مهائیه واسطه سیله ممکن اوله بیلوب مهائیه ایسه حقوق عقد اجاره دن اولدیغندن ناشی عقد مذکور فاسددر . عقدك فسادیه برابر مستأجر استیفای منفعت ایتش ایسه اجر مثل ویرمی لازم کلیر زیرا مستأجر عقد فاسد حکمنجه معقود علیهی استیفا ایتش و معقود علیهی تسلیمدن عاجز اولمق عقدك انعقادینه مانع بولنماش اولمق استیفای منفعت عقدك وقوعندن صکره تحقق ایتش اولور بیع مشاع اجاره مشاع کی دکلدر بیعده تسلیم تخلیه ایله تمام اوله جغندن جزؤ شایعك تخلیه سیله ده تسلیم تمام اولور . برکیمسه برملکده کی حصه شایعه سنی شریکینه ایجار ایتدیکی حالده امام اعظمندن نقل اولنان بر روایت کوره رهن مشاع کی بوعقد ایجار دخی جائز اولماز . چونکه عقدك شامل اولدیی استیفای منفعت بشقه برشئی ده جامع بولیور بوده کندی حصه سیله انتفاع ایتسیدر بوایه عقد اجاره نی مفسددر نته کیم برکسنه اثواب یچمک ایچون مقاصك برقولی استیجار ایتش اولسه بوعقد جائز دکلدر زیرا عقدك ایجابندن اولدینی اوزره معقود علیهن استفاده عقدك خارجنده بولنان دیگر برشیک انضمامیه ممکن اوله بیلیر حالبوکه حصه شایعه نی شریکه ایجارده معقود علیهن عقدك ایجابی وجهله استفاده ممکن اولدیغندن ظاهر روایت کوره عقد مذکور جائز اولور یعنی شریك مأجورك جمیع اقسامنده ساکن اولور و بصورتله کندی ملککی سبیلله حصه سندن و عقد اجاره ایله شریكك حصه سندن استیفای منفعت ایدر اما حصه شایعه نی شریكك غیرسنه ایجار خصوصی بویه دکلدر بونده بر مقتضای عقد استیفای منفعت متعذر اولور . برنجی صورت غائب اولان بر حیوانی یدنده اولان کسنه یه بیع ایتك کیدر حیوان اوکسنه نك یدنده بولنسیله مقدورالتسليم اولدیغندن عقد مذکور جائز اولور . حالبوکه مذکور حیوانی یدنده اولیان برکسنه یه تسلیم ممکن اولدیغندن آکایع ایتك جائز اوله ماز . رهن بونك خلافه ملاسدر . رهنده شیوع ایله معقود علیه منعدم اولور . چونکه رهنده معقود علیه حبس دائمددر .

حصه شایعهده ایسه بو کیفیت تصور اولنه ماز. بونده شریک واجبی مساویدرلر. اما اجارهده معقود علیه منفعت اولوب بوده شیوع ایله منعدم اولماز. آنجق تسلیم منعدم اولور. تسلیم امتناعی شریک حقنده وارد دکدر. بوندن طولانی اجاره مشاع ایله هبه مشاع بیننده برفرق واردر. شویله که: قابل قسمت اولان شیرده شیوع قبضت تمام اولمسی و بناء علیه ملک موهوب لهه انتقالی منع ایدر. هبه نک شریک و یا خود شریک اولیان کمنه لهنده اولمسی مساویدر برعقار ایکی کمنه یه ایجار اولدینی تقدیرده ایجابات عقددن اولدینی وجهله موجر ایچون معقود علیه تسلیمی ممکندر. اندن صوکره ایکی مستأجر حائر اولدقلری ملک منفعت اقتضاسنجه بینلرنده مهائنه اجرا ایدرلر. بو خصوص بر کمنه نک برعقاری ایکی آدمه رهن ایتسی کیدر. برعقارک ایکی کمنه یه ایجاری حالنده مستأجرلردن بری وفات ایدرک کندی حصه سنده عقد باطل اولور ایسه طحاوینک خالد بن صیحدن و انک دخی ابوحنیفه دن روایتنه کوره نصف آخرده اجاره فاسد اولیور. چونکه انعقاد اجاره منفعتک آنافا تا تحدث ایتسنه نظراً هر آن تجدد ایتدکه اولمغه مستأجرلردن برینک وفاتیه ظهوره کلان شیوع عادتاً عقدده مقارن اولان شیوع قیلندن عد اولنه بیلیر. فقط ظاهر روایت کوره عقد اجاره برحیات اولان مستأجر حقنده باقیدر. زیرا عقدک تجددی معقود علیه حقنده در اصل عقدایسه منعقد و فی الحال لازمدر. و بومعنی اعتباریه شیوع طاری در و شیوع طاری شیوع مقارنک نظیری دکدر. نته کیم بر کمنه براوک تمامی بر دیگر شخصه هبه و تسام ایتدکن صوکره نصفی حقنده هبه دن رجوع ایتش اولسه نصف دیگرنده هبه کماکان باقیدر. عاریت بونک خلافتنده در چونکه عقد عاریت ایله تسلیمه استحقاق تحقق ایتز شیوعده مؤثر اولان شی تسلیمدن عجزدر. بناء علیه شیوع انجق کنديسنه استحقاق تسلیم تعلق ایدن عقودده تأثیراتی کوسترر. اجاره مشاع حقنده ائمه بیننده کی اختلافک اسبابی بو وجهله توضیح اولندقدن صوکره اجاره مشاع حقنده امامین ایله شافعی حضرتلرینک قوللری معاملات زمانه موافق اولدینی آشکار اولور. بناء علیه بودفعه مشیخت جلیله اسلامی و عدلیه نظارت جلیله سنک امر و تنسیلریله قلمه آلنوب مجلس مبعوثانه تودیع بیوریلان لایحه موجبجه مجله نک مذکور ماده سی تعدیل اولنه رق اجاره مشاعک جوازی حقنده کی قول مذکورک دستورالعمل اتخادی ضمنتده لازم کلان معامله نک دردست اجرا بولندینی مع المسار مستخبردر.

۲۸ ایلول ۱۳۳۱

محکمه تمیز رئیس اولی

عثمانه

مذرجات

۲۰ تشرین اول — ۱۳۳۱

فسم رسمی

نمبرات عدلیه

صحیفه
نومروسی

۱۸ تشرین اول ۱۳۳۱ ۷۰۲۱

» » ۱۸ ۷۰۲۱

» » ۱۸ ۷۰۲۳

» » ۲۹ ۷۰۲۳

» ۳ تشرین ثانی ۷۰۲۳

» » ۵ ۷۰۲۴

» » ۵ ۷۰۲۴

» » ۸ ۷۰۲۵

» » ۹ ۷۰۲۵

» » ۱۲ ۷۰۲۶

» » ۱۴ ۷۰۲۶

(۱) —

(۲) —

(۳) —

(۴) —

(۵) —

(۶) —

(۷) —

(۸) —

(۹) —

(۱۰) —

(۱۱) —

قوانین و نظامات

— (۱) التي مليون ليراق اوراق نقديه اخراجته
داثر قانون ۱۸ تشرین اول ۳۳۱ ۷۰۲۶

تبلغات عمومی

— (۱) اداره عسکریه تحتندہ کی تیمور پولر
مستخدمیندن اهداوله رق اسماعی ایجاب
ایدنلر حقندہ ۲۰ » » ۷۰۲۷

حکومت نمینہ حقوق دأرہ سی مقرانی — (۱) شاهدلرک شهادتی حقندہ

۱۰ تشرین ثانی ۳۳۰ ۷۰۲۸

(۲) دعوانک ایکی درجہ دہ تدقیق لازمدر » » ۱۱ ۷۰۲۹

(۳) اموال غیر منقولہ نک فروختی حقندہ » » ۲۹ کانون اول ۷۰۳۱

(۴) اعتراض الحکم ایچون معین کوندہ معترض
کلدیکی تقدیردہ یایبلہ حق معاملہ حقندہ ۱۰ تشرین ثانی ۷۰۳۳

(۵) بردکانک پشماللی حقندہ » » ۱۱ ۷۰۳۳

حکومت نمینہ استماعا دأرہ سی مقرانی — (۱) خود بخود استیفای حق فعلنک مستلزم
اجزا اولسی نک نہیلہ مشروط اولدینی حقندہ

۲۱ ایول ۳۳۱ ۷۰۳۴

(۲) صارقیندلیق فعلی حقندہ » » ۲۱ ۷۰۳۵

(۳) حق شخصیلرندن دولای مدعی شخصیلرک
استیفاف دعوا یہ صلاحیتلری اولدینی
حقندہ ۲۴ تشرین اول ۷۰۳۶

(۴) مرور زمان حقندہ » » ۲۵ ۷۰۳۷

حکومت نمینہ جزا دأرہ سی مقرانی — (۱) اکثریتلہ اتخاذ اولنان مجرمیت قرارندہ
رأی مخالف صاحبنک وسببنک تصریحی
حقندہ

۵ تشرین ثانی ۷۰۳۸

(۲) قیز قاجیرمقی وفعل شنیع جرملری حقندہ » » ۷ ۷۰۴۰

(۳) رشوت جرمنک شرائط اساسیہ تکونی
حقندہ » » ۷ ۷۰۴۱

(۴) قریہ مختارلرینک عسکر فراریلرینی دردستلہ
مکلف اولوب اولماقلری حقندہ » » ۷ ۷۰۴۳

(۵) شہود حقندہ » » ۵ ۷۰۴۴

(۶) متهم مختل الشعور اولوب ا لمادیغنی متهمہ نک
تقدیر ایدہ میہ جکنہ داثر » » ۵ ۷۰۴۵

(۷) سرقت موصوفہ نک سرقت عادیه عدایداسی
سبب نقضدر » » ۷ ۷۰۴۶

(۸) مجرمیت قرارینک شک وترددن عاری
تحقیقات عمومیہ یہ مستند اولسی حقندہ » » ۷ ۷۰۴۷